

140 / 3
1951

1951
1951



1951

8
1951



პ ი ო ნ ე რ ი

საქართველოს ალკა ცენტრალური კომიტეტის
უკველთვიური საბავშვო ჟურნალი



ქართული
საბავშვო ჟურნალი

№ 8 აპრილი 1957

საბლიტგამი

წელიწადი XXV

П И О Н Е Р И Ежемесячный детский журнал Центрального Комитета ЛКСМ Грузии



მადლობელი ვართ ზაფხულის

გვეშვიდობება ზაფხული,
სამხრეთს გახედა მერცხალმა,
ფოთლებს ტყეებში გორებზე
აქა-იქ ფერი ეცვალა.

საშემოდგომო ყვავილებს
მკერდზე იბნევენ კორდები...
ღამდება, კოცონს ვაჩაღებთ
და ბანაკს ვემშვიდობებით.

შინისკენ ვილტვით, შუქს ვტაცებთ
ვარსკვლავებს ნაპერწკლიანებს,
მალე სექტემბრის პირველი
სკოლის ზარს ააწკრიალებს.

მადლობელი ვართ ზაფხულის,
ბევრი სიამე გვარგუნა,
არ მოგვაკარა ავდარი
მთის დამსეტყვათ, ავგულა.

ძალა შეგემატა, არ იყო
უხსივოდ წუთის გამშვები,
ერთმანეთს დავაამეგობრა
სხვადასხვა კუთხის ბავშვები.

დღეს შინ ვბრუნდებით, შუქს
ვტაცებთ
ვარსკვლავებს ნაპერწკლიანებს,
მალე სექტემბრის პირველი
სკოლის ზარს ააწკრიალებს.

გიორგი კაჭხიძე



სურათი

როლიონ ქოჩია

მ ო თ ხ რ ო ბ ა

მხატვარი გლეზ დიკი

გოგამ უკანასკნელად მოუსვა სურათზე ფუნჯი, სახელი მოაწერა და შორიდან მიაჩერდა.

სურათი წარმოადგენდა ზღვისა და ადამიანის შეჯახებას. ზღვას მოურღვევია მიწა. გახლეჩილ მიწას პირი დაუღია, თითქოს შეეღას იახოვსო. ზევით, მიწაზე, ოქროსფერი ნაყოფით დაყურსული ლიმონის ხედვას, გვერდით ვერცხლისფერი ევკალიპტი და ზურმუხტისფერი პალმა გარინდულან. დაბლა, ზედ ტალღასთან, ადამიანები ფუსფუსებენ, ქვას ქვაზე აწყობენ, ჯგბირს აგებენ. შორს რალაც მანქანა მოჩანს, რომელიც იმის მაჩვენებელი უნდა იყოს, რომ ზღვას თანამედროვე ტექნიკით ებრძვიან.

„არ დაგანებებთ!“ — ასეთი წარწერა ჰქონდა სურათს.

მართლაც, სურათზე ოსტატურად იყო გამოხატული ადამიანის ქადილი ზღვის მიმართ.

გოგის მოეწონა თავისი შრომის ნაყოფი და მიიხედა იქითკენ, სადაც ზღვას ებრძოდნენ ადამიანები. როგორი სიმტკიცით, როგორი გულდაჯერებით აგებენ რკინა-ბეტონის ჯგბირს, ამაგრებენ ნაპირს, რომ ზღვამ არ მოგლიჯოს მიწა და არ შთანთქმას თავის გაუმძაღარ უძირო მუცელში. აქ კი ხშირი ყოფილა ასეთი შემთხვევები, აქ, ამ ზღვისპირეთის ქალაქში, სადაც მიწის ყოველი მტკაველი თავის წონა ოქროდ ღირს.

გოგი ჩამოსვლისთანავე გააკვირვა ამ ქალაქში. ჯერ იმან გააკვირვა, რომ მთელი ქალაქი ერთ ქუჩაზე იყო გადაჭიმული. გრძელი იყო ეს ქუჩა, მაგრამ მანაც ერთი იყო. ქუჩის ზემო ნაწილი მთის კალთებს ჰქონდა დაკავებული, ხოლო ქვემო ნაწილი ბაღებს. ბაღების ქვემოთ ზღვა იწვა, ვრცე-

ლი და უსასრულო. ალაგ-ალაგ ქუჩა ისეთი ვიწრო იყო, რომ ერთი ავტომობილი თუ გაივლიდა. აქ ქუჩა მოსევალებული ქამარით შემორტყმოდა მთას. მთის კალთებზე მაღალი შენობები ჩამსხდარიყვნენ პალმების, ნაძვებისა და ფიჭვნების ხეივნებში. ეს შენობები დასასვენებელი სახლები იყო. ზღვისპირა ნაწილში ბაღებშიც ლამაზი შენობები მოჩანდა. ესეც ან დასასვენებელი სახლები იყო, ან საცხოვრებელი. გოგი ხედავდა, რომ ყოველი გოგი ამ მიწისა ადამიანის ხელით იყო გალამაზებული.

მერე იმან გააკვირვა გოგი, რომ ეს ლამაზი და ბრჭყვილა ზღვა ხანდახან ავი და ბორბოტიც ყოფილა. დროდადრო გაშმაგდება თურმე, დაეძგერება ნაპირს და დაუწყებს ნგრევას. მოგლეჯს მიწას, დაითრევს, შთანთქავს. განა მარტო მიწას?! მიწაზე გაშენებულ ბაღსაც შთანთქავს!


გოგი გაიგო, რომ ქალაქს ხშირად მოსდიოდა ზარალი აბობოქრებული ზღვისაგან. გაიგო ისიც, რომ აქ გადაუწყვეტიათ ზღვასთან ბრძოლა და მისი დამარცხება, მიწის დაცვა რკინა-ბეტონის სქელი და გრძელი ჯგბირით.

გოგი კმაყოფილი იყო, რომ აქ ჩამოვიდა. მას ძალიან უნდოდა ზღვის ნახვა. ერთხელ კინოში ნახა ზღვა და აუხირდა მამას: გინდა თუ არა ზღვა მაჩვენეო.

— აი, გადახვალ მეექვსე კლასში, გაგაზავნი ბიბლიოთეკის გაგრაში, — შეჰპირდა მამა.

აუსრულა მამამ სურვილი — დადგა ზაფხულის არდადეგები და გოგიც გაგრაში გაგზავნა.

გოგიმ თან წაიღო სახატავი ხელსაწყოები მხატვარი იყო. სკოლის კედლის



ზეთს ყოველთვის გოგი აფორმებდა. პირველი მაისისა და ოქტომბრის დღესასწაულზე ყოველთვის გოგის სურათებს გამოფენდნენ ხოლმე სკოლაში. გოგის განზრახული ჰქონდა ზღვა დაეხატა.

მართლაც, ზღვამ პირველი დანახვისთანავე მოხიბლა გოგი თავისი სიდიდით, ფაფარიანი ტალღებით და იმ უამრავი ფერით, რომელიც ზღვაზე ჩნდებოდა. ამიტომ მთელი დღეების განმავლობაში თვალს ვერ აშორებდა ზღვას. უძრავ მთებს შეჩვეულ თვალს მოუსვენარი ზღვა იტაცებდა, იზიდავდა.

მაგრამ ერთ ღამეს გოგი გააღვიძა უცნაურმა, გაუგონარმა ყრუ გრგვინვამ. ასეთი გრგვინვა თუ ღმუილი გოგის არ გაუგონია თავის მთიან სოფელში. გაბმით, დაუსრულებლივ, ყრუდ ღმუილდა რაღაც... და გოგის შეეშინდა.

— ზღვა ღმუის! — დაამშვიდა ბიძამ გოგი, შემდეგ ცოლს მიუბრუნდა და უთხრა: — ჯებირზე უნდა წავიდე, ვინ იცის, რა მოხდება!

მეორე დღეს დილაადრიან გოგიც წავიდა ზღვაზე. გაოცდა, ისეთი სურათი ნახა. ერთგან ზღვას კარგა მანძილზე მოერღვია ნაპირი და გაეფუჭებინა ბალი. ადამიანები იდგნენ მორღვეულ ნაპირთან და ბრაზით შეჰყურებდნენ ზღვას, რომელიც ისევ ღმუილდა, მსუილდა, მაგრამ თან ეტყობოდა, რომ ცხრებოდა.

გოგიმ მხოლოდ ახლა მიაქცია ყურადღება ჯებირს, სადაც ბიძამისი და მუშები იდგნენ და გამალებით მუშაობდნენ.

საოცარია, რატომ პირველ დღეებშივე არ მიაქცია ყურადღება გოგიმ ამ ჯებირს? ჯებირი ჯებირიათ და ჩაუვლიდა გვერდით. თავის რაიონში მას ჯებირზე უფრო დიდი მშენებლობაც უნახავს.

თურმე რაში ყოფილა საქმე! ბიძამისი ინჟინერი, კიდევ სხვა ინჟინერი და მრავალი მუშა ჯებირს ავლებენ ნაპირს, რომ დაიფარონ იგი ზღვისაგან. თურმე ეს ნაპირი რამდენადაც ღამაზია და მდიდარი, იმდენად უღონოა გამხეცებული ზღვის წინააღმდეგ და საჭიროა ნაშრომისა და მიწის დაცვა ამ ბრმა ძალისაგან.

გოგი მიუახლოვდა ჯებირის მშენებლებს. გულდასმით, მტკიცედ აგებდნენ რკინა-ბეტონის ჯებირს. ჯებირი კარგა მანძილზე იყო გაკეთებული, მაგრამ ჯერ კიდევ კარგა მანძილზე უნდა შემორტყმოდა მიწას და დაეცვა იგი. ბიძამისი ხშირად გაჰყურებდა ზღვას, თითქოს ექაღნებოდა: — არ დაგანებებთ! — მუშებს კი მოკლედ ეტყოდა:

— ყოჩაღად, ამხანაგებო! არ დაგანებოთ!

გოგის ელვასავით გაურბინა აზრმა: — უნდა დაეხატო ზღვასთან ბრძოლა და ვუწოდო სურათს „არ დაგანებებთ!“

და, აი, ორი თვის გულმოდგინე შრომის შემდეგ სურათი მზადაა. ზღვას, ამ ღამაზე მხეცს, ღამამი ამოსდო გოგიმ სურათზე. ცხადია, იქ, ნაპირზე, ჩქარა ამასვე გააკეთებენ საბჭოთა ადამიანები.

2

ყოველდღე, საბანაოდან დაბრუნებისას, გოგი შეივლიდა კურორტის მშენებელთა კლუბში. კლუბის დარბაზში მისი დახატული სურათი ეკიდა. სურათი ჩასმული იყო ღამაზე ჩარჩოში. გოგი მიუჯდებოდა მაგიდას და კითხულობდა გაზეთს. ხანდახან ცალი თვლით თავის სურათსაც განედავდა. იმავ ცალი თვლით მკითხველეებსაც ათვალიერებდა: ისინიც უმხერენ თუ არა სურათსო.

დღესაც მოვიდა გოგი კლუბში. კვირა დღე იყო და მკითხველებიც მეტი იყო დარბაზში. გოგიმ ჩაუარა სურათს, ცალი თვლით ახედა, ცალი თვლით ადგილი მოძებნა სად დამჯდარიყო.

გოგიმ შენიშნა, რომ ერთი გაზეთი ხელიდან ხელში გადადიოდა, ათვალიერებდნენ, ყველა გოგისაკენ იყურებოდა. სამი ბიჭი ადგა კიდეც, გოგის ადგილი დაუთმეს. მოზრდილებმა გაუღიმეს. კლუბის გამგემ შორიდან გაუცინა გოგის და თავი დაუკრა.



— უნდა დაეხატო ზღვასთან ბრძოლა და ვუწოდო სურათს „არ დაგანებებთ!“

გოგიც ზრდილობიანად მიესალმა. ოღონდ ვერ გაეგო, რა მოხდა ისეთი, რომ ასე უყუ- რებენ. სურათი? ეს ხომ ორი კვირაა, რაც აქ კილია! სხვა რა უნდა მომხდარიყო? და რადგან გოგის არ უყვარდა, როცა მას უყუ- რებდნენ, ადგა და ფანჯარასთან დაჯდა. ურჩალი გაშალა.

დარბაზში ბიძამისი შემოვიდა, ვილაც სათვალუბიანი ახალგაზრდა კაცი შემოჰყვა.

— აი, სად ყოფილა ჩვენი მხატვარი! — წამოიძახა ბიძამ და მიუბრუნდა სათვალე- ბიანს, — გაიცანით, ამის დახატულია ეს სურათი.

უცნობმა კაცმა გოგის ხელი გაუწოდა, გაუღიმა და რუსულად დაეღპარაკა. მისი ნათქვამიდან გოგის მხოლოდ სამი სიტყვა დაამახსოვრდა: „ოჩენ... კარტინა... კორეს- პონდენტი...“

უცნობმა კაცმა გოგის გაზეთი გაუწოდა და კიდევ რაღაც უთხრა.

გოგიმ გაშალა გაზეთი და სიხარულისაგან თვალეები გაუფართოვდა: გაზეთის მეორე გვერდზე, შუა ადგილას, მისი სურათის რეპროდუქცია იყო დაბეჭდილი. სურათის ქვემოთ პატარა წერილი იყო. გოგიმ გაუ- ღიმა რამდენიმე ნაცნობ სიტყვას: „გოგი... გაგრა... პიონერი... მორე... სოლნეჩნიაა გრუზია“.

ეჰ, კარგად იკოდეს რუსული, როგორ გამოადგებოდა ახლა!

გოგიმ თავი ასწია. მთელი დარბაზი მას უყურებდა.

მაშინ იყო, რომ ადგა კლუბის გამგე ქა- ლი და ქართულად თქვა:

— შეხედეთ, დღეს მოსკოვის გაზეთში და- ბეჭდილია ჩვენი პიონერი გოგის სურათის რეპროდუქცია. სასიხარულოა. მართალია, სურათი კარგია, მაგრამ აქ მთავარი ისაა, რომ მოსკოვის თვალი ასე ფართოდ სწვდე- ბა ყველაფერს კარგს, რაც ჩვენს ქვეყანაში ხდება. მაღლობა მოსკოველ კორესპონ- დენტს, რომ ეს სურათი საკავშირო ტრიბუ- ნაზე აიტანა.

შემდეგ კორესპონდენტმა ილაპარაკა, მაგრამ გოგიმ ისევ რამდენიმე სიტყვა გაი- გო.

და როცა გარეთ გამოვიდნენ, როცა კო- რესპონდენტმა გოგის ხელი მოჰკიდა და ხეივანში სასერიწოდ წაიყვანა, გოგი მუნ- ჯივით იყო.

გოგი ვერაფერს ეუბნებოდა იმ კაცს, რომელმაც მისი სახელი მთელ საბჭოთავო კავშირს მოჰფინა.

და რადგან მუნჯისა და მეტყვილის დამე- გობრება ძნელია, ჩქარა დაშორდნენ ერთმა- ნეთს.

დაშორებისას კორესპონდენტმა მოხეულ ქალღღზე მისამართი დაწერა და გოგის გადასცა.

— რატომ დამიტოვა მისამართი? აკი იცის, რომ ვერ ვლაპარაკობ რუსულად! — უთხრა შინ დაბრუნებულმა გოგიმ ბიძას.

— იმიტომ დაგიტოვა, რომ ისწავლო და მისწერო, — უპასუხა ბიძამ. — განა შეიძ- ლება საბჭოთა ქვეყანაში ცხოვრობდე და რუსული ენა კარგად არ ისწავლო?

გავიდა ერთი წელი და კორესპონდენტმა მართლა მიიღო წერილი. მართალია, ცოტა შეცდომა როდი იყო იმ წერილში, მაგრამ ადამიანი ესაუბრებოდა ადამიანს გასაგები ენით.



წერილი ასე თავდებოდა: „ამ წელსაც გაგრაში ვიქნები. გამიხარ- დება, რომ შეგხვდეთ. მე თქვენი ღილი მაღლობელი ვარ. ახლა სადაც უნდა მოგხვ- დე გაგრიდან ვლადივოსტოკამდე, ყველგან დაველაპარაკები მეგობარსა და ამხანაგს. ჩემს ამხანაგებსაც ვურჩევ უკეთ ისწავლონ რუსული ენა.“

პიონერული საღმით გოგი“.





უკანასკნელი დღეები ბანაკში

ახლოვდება ახალი სასწავლო წლის დასაწყისი — პირველი სექტემბერი. პიონერხელმძღვანელს უნდა ახსოვდეს ეს თარიღი, ჯერ კიდევ იმ მომენტიდან, როდესაც პიონერებმა პირველად აღმართეს საბანაკო აღმები, პიონერხელმძღვანელმა უნდა იცოდეს, რაზე უფრო რომელ პიონერს რა საზაფხულო დავალება აქვს, ან რა საგანში აქვს საშემოდგომო გამოცდა. უნდა გაითვალისწინოს ისიც, რომ თუ მთელი ზაფხულის განმავლობაში ბავშვი წიგნს ხელს არ მოჰკიდებს, შეიძლება მთლიანად დაავიწყდეს განვლილი მასალა. ამიტომ წიგნების კითხვა, მხატვრული დილები, სხვადასხვა თამაშობა — ყველაფერი ეს ხელს უნდა უწყობდეს სკოლაში მიღებული ცოდნის განმტკიცებას.

„რით დავბრუნდებით სკოლაში?“ — ასეთი საკითხი უნდა დააყენოს ხელმძღვანელმა პიონერული აქტივის წინაშე ჯერ კიდევ პირველ სექტემბერამდე კარგა ხნით ადრე. პიონერებს აინტერესებთ კოლექციის შეგროვება, ცოცხალი კუთხის მოწყობა, ალბომებისა და ჰერბარიუმების შიშია. სხვადასხვა მოდულებისა და მაკეტების დამზადება და სხვა.

პიონერხელმძღვანელის ამოცანაა დაეხმაროს მათ ამ საქმეში.

ზაფხულის განმავლობაში ბანაკში ჩატარებული კონკურსები და შეჯიბრებები მთავრდება მხატვრული თვითმოქმედების საერთო საბანაკო დათვალიერებით, სპარტაკიადითა და ბავშვთა ნამუშევრების გამოფენით. მხატვრული თვითმოქმედების დათვალიერებაში მონაწილეობენ ცალკეული შემსრულებლები და ჯგუფები, რგოლები, რაზმები.

საბანაკო სპარტაკიადა აჯამებს ბანაკში ჩატარებულ ფიზკულტურულ-სპორტულ მუშაობას.

ბანაკის დახურვის დროისათვის მოწყობილ გამოფენაზე წარმოდგენილი იქნება ბანაკის მუშაობის ყველა მხარე: პოლიტიკურ-აღმზრდელობითი მუშაობა პიონერებთან, ვამაჯანსაღებელი ფიზკულტურულ-სპორტული მუშაობა, კულტურული მომსახურება და ბავშვთა შემოქმედება.


განსაკუთრებით ფართოდ უნდა იქნეს ნაჩვენები პიონერთა შემოქმედება, საუკეთესო ტექნიკური თვითნაკეთი ხელსაწყოები, ნახატები, ქანდაკებები, მხატვრული ნაქარგები, სურათები, ჰერბარიუმები და სხვა.

ბანაკის დახურვა ეწყობა საზეიმოდ, ბავშვების ქალაქად გამგზავრებამდე ორი-სამი დღით ადრე. ზეიმზე იწვევენ მშობლებს, საზოგადოებრივი ორგანიზაციების წარმომადგენლებს, კოლმეურნეებს, სოფლის ბავშვებს, პიონერებს მახლობელი ბანაკიდან.

ბანაკის საბჭოს თავმჯდომარე პარტიული, პროფკავშირული ან კომკავშირული ორგანიზაციის წარმომადგენელს აძლევს პატაკს ბანაკის მუშაობის შესახებ. შემდეგ ტარდება მასობრივი ფიზკულტურული გამოსვლები, ფიზკულტურულ-სპორტულ შეჯიბრებებში გამარჯვებულთა ფინალური შეხვედრები, მხატვრული თვითშემოქმედების კონცერტი. საღამოს კი ეწყობა გამოსათხოვარი საბანაკო კოცონი.


დამთავრდა პიონერული ზაფხული, ბავშვები მიაშურებენ მშობლიურ სკოლებს. სასწავლო წლის დასაწყისი შეიძლება აღინიშნოს სასკოლო საღამოთი, სადაც რაზემეული შეჯამებს ზაფხულში ჩატარებულ მუშაობას, უჩვენებს მთელ სკოლას, რამდენი შესძინა ბავშვებს გონივრულად გატარებულმა საზაფხულო დასვენებამ.

პირველ სექტემბერს სკოლაში პირველად მოვლენ პირველკლასელები. მათთვის ეს



ღირსშესანიშნავი დღეა. ყველაფერი უნდა გაკეთდეს იმისათვის, რომ ეს დღე მათ დიდხანს ახსოვდეთ. უმცროსი კლასის მასწავლებლებთან ერთად უნდა მოეწყოს ეს ზეიმი ისე, რომ ბავშვებმა იგრძნონ უფროსების ამხანაგური მზრუნველობა. თვითეულ მათ-

განს უნდა გადაეცეს პიონერების ხელით გაკეთებული საჩუქრები. ეს უჩვენებს ბავშვებს, რომ მათი უფროსი და-ძმები — პიონერები — ზრუნავენ მათზე, უნდათ დაეხმარონ, რომ ისინი კარგი მოსწავლეები გახდნენ.



ჰოვანეს კარაიანი

ის დილა ახლაც მახსოვს,
 ის აღმაფრენაც მახლავს,
 როცა დედიკოს ვუთხარ:
 — მე ხომ დიდი ვარ ახლა!

სკოლაში მარტო წავალ,
 გაყოლა აღარ მინდა;
 კარგად გავიგნებ გზასა,
 იყავ, დედიკო, მშვიდად! —

ღიმილით დამართო ნება,
 თან მიკოცნიდა ლოყებს.
 — ფრთხილად იარე, შვილო,
 მანქანის ქვეშ არ მოჰყვე.

— იყავი მშვიდად, — ვუთხარ
 და ავიტაცე ჩანთა.
 ჩემს ხმაში სითამამე
 და აღტაცება ჩანდა.

რომ გავცდი მთავარ ქუჩას
 ფრუანტელდაუმცხრალი,
 რატომღაც მოვიხედე,
 დედიკოს მოვკარ თვალი.

ქუჩის კუთხეში იდგა,
 თურმე კვალდაკვალ მდევდა...
 შეეხედე, გავთამამდი,
 ავჩქარდი უფრო შეტად...

* * *

ახლა კაცო ვარ... ხსოვნა
 იმ დაუფიწყარ დღის
 დროდადრო აღმიტაცებს;
 ვით მოგონება ტკბილი.

დიდი ცხოვრების გზაზე
 მივდივარ მთელი ძალით,
 და ჩემს გაბედულ ნაბიჯს
 უმზერს სამშობლოს თვალი.

თარგმანი სომხურიდან ი. ბურჭულაძისა





ლადო მკალაშვილი

მ ო თ ხ რ ი ბ ა

ნახტვარი ბ. გულისაშვილი

თვალწარმტაცია კავკასიონის ბუნება, იალღებითა და არყის ტყეებით დაფარული, შიგადაშიგ ნაძვისა და ფიჭვის ხეებშერეული.

მნახველის ყურადღებას ატყვევებენ გაღმობხეთილი ჩანჩქერები, ხეობების ხვივილი, ჯორისძუსა და ცხენისტერფას* ქვეშ გაპარული ნაკადულები. მომაჯადოებლად იმზირება ზღაპრული ხალივით მოხატული საბალახოები, რომელთაც ალაგ-ალაგ ჟოლი მოირევია. მრავალფეროვანია ეს არე-მიდამო. ხეებზე ქედნები ღულუნებენ, ხის ძირებთან როჭოები დაგოგმანობენ. ზოგჯერ ეშმაკი მელია გახტება ბუჩქებში და მშიშარა კურდღელი ეღვის სისწრაფით გარბის. წაბლის ხეზე ასული დათვები მწიფე ნაყოფს ბერტყავენ და თან ნებიერად ჩამობუბუნებენ ხის ძირში მოთარეშე ბელებს.

უფრო ზევით ალბური საძოვრები იწყება, სადაც პატარა ბუჩქიც კი არ ხარობს. ქვების ნახეთქში ამოსულა ქუჩი და ხავსი, რომელთაც ჯიხვები ეტანებიან. ამ ადგილებს ხორხებს უწოდებენ. აქედან ეშვებიან აქაფებული ჩანჩქერები. ჯიხვთა ამ სამკვიდრებელში სმენას ატკობს შურთხების სტვენა. ჯიხვები ზოგან ჯოგებად, ზოგან ცალ-ცალკე ბალახობენ. ხშირად დაეჯახებიან ხარჯიხვები ერთმანეთს საჭიდაოდ და მათი რქების ქახანი გაისმის მთიდან მთაზე, ხეობიდან ხეობაში.

აქ არც ირემია იშვიათი. ელიზბარმა იმ დღეს პირველად დაინახა ეს იშვიათი სილამაზის ცხოველი.

გულადი ბიჭია ცამეტი წლის ელიზბარი. ღამით ხევიდან ამოქონდა ცივი წყალი. აინუნშიც არ აგდებდა ოლოლის ძახილს და ფოცხვერის ჩხავილს. სწორედ ამ ხევის პირად ნახა მან ირემი. მშვენიერი იყო ეს ხარირემი ტოტებივით ნაყარი რქებით. დიდხანს უცქირა ელიზბარმა, ვიდრე ირემი თვალს არ მიეფარა.

* ჯორისძუსა და ცხენისტერფა მთის ბალახებია.

გულადი რომ არის, იმიტომაც ჩააბარა მისმა ბიძამ, ფერმის გამგემ, ოცდაათამდე ცხვარი და ბატკანი, რომ ხევის პირს ეძოვებინა. მეორე დღით თავისი პატარა ფარა ელიზბარმა საძოვარზე გარეკა.

ქობიდან კარგა მოშორებით არყის ტყის იქით მშვენიერი პატარა გორა იყო, რომელსაც ერთი მხრით ხევი ჩაუღლიდა. ამ ხევაში იყო ელიზბარის ბიძის ფერმის საძოვრები, იმას იქით იწყებოდა დაღესტნის თვალუწვდენელი მთებითა და იალღებით დაფარული საბალახოები. აქ ლეკების ნახირი, ცხენის ჯოგები და უთვალავი ცხვრის ფარა ძოვდა ნოყიერ ბალახს.

მისდევდა ელიზბარი თავის პატარა ფარას და ხანდახან შოლტს გადაუტყალაშუნებდა ცხვრებს. ბალახებზე ნამი ბზინავდა, თეთრგვირგვინიან გვირილებში აქა-იქ ყვითელყვავილებიანი დათვისცერცვა გარეულიყო, საძოვარს შიგადაშიგ შავად შემოსილი ჟოლი მორეოდა, ხოლო ცხვრებისაგან აჭინჭყულულ ბილიკის პირებზე ლამაზი პირიმზე გადმოხრილიყო.

მიჰყვებოდა თავის პატარა ფარას ელიზბარი და მხოლოდ ერთი რამ ადარდებდა: ვერ იქნა და ვერ დაიყოლია გაგა, რომ ცხვარში წაჰყოლოდა. ჯერ იყო და კარგახანს უწრუპუნა და უყარა პურის ნატეხები, მერე ნახევარი ლავაში გადაუგდო, ახლა ახალი სალავავი ასუნებინა, შემდეგ წინალამინდელი ხინკლის ნახარში ახვრებინა, ბოლოს ცხვრის კანჭსაც დაჰპირდა, მაგრამ არ მოტყუვდა გაგა — როცა ელიზბარის მიერ შეთავაზებული საჭმელები მიირთვა, წავიდა და არხინად გაწვა ყველის გუდებთან. ის ხომ მეცხვარეების კარვის მწყემსი ძალღია.

ცხვარმა გაიარა არყის პატარა ტყე და ბალახის ძოვნით შეჰყვა გორის ფერდობს. ელიზბარი ავიდა გორაკის თავზე, პირი ცხვრისაკენ იბრუნა, ისე, როგორც უფროსებისაგან დაენახა, მერმე ქამრიდან ამოიძრო სალამური და დაუტარა.

მდუმარე იალალს ელიზბარის სალამურის ხმა და წყაროს ლიკლიკილა აღვიძებდა. დრო-დადრო რომელიმე ცხვარი აიღებდა თავს მალლა და პატარა მწყემსს მიაჩერდებოდა მცირე ხნით.

ბოლოს მოსწყინდა ელიზბარს სალამურის დაკვრა და პატარა ჩანთიდან წიგნი ამოიღო. ერთხანს კითხულობდა და როცა მოაგონდა, რომ ცხვარს წყალი მოსწყურდებოდა, ადგა, გაირეკა ცხვრები და ბატკნები გორის ძირში წყლის დასაღვეად.

უხაროდა ელიზბარს, რომ ამ ზაფხულს თვითონ უნდა მოეველო თავისი პატარა ფარისათვის, წუხდა მხოლოდ, რომ გვერდით გაგა არ ჰყავდა — ხომ ნამდვილ მეცხვარეს დაემსგავსებოდა ძალლი რომ ჰყოლოდა, და მერე როგორი ძალლი — მგელს ერთ ლუქ-მაზე გაათავებს.

ის იყო ფარა წყალს მიუახლოვდა, რომ გაღმა გორიდან მცირე ფარა გამოჩნდა და გეზი იმავე წყლისკენ აიღო. ფარას ელიზბარის ტოლი ბიჭი მოსდევდა, წელზე მოდებულ კომბალზე მკლავები გადაეწყო და არ-ხეინად მოსტვენდა. ელიზბარმა მაშინვე მოი-საზრა, რომ ამ ვიწრო ადგილას ორივე ფარა ერთმანეთში აირეოდა წყლის სმის დროს: ა რადგან თავის ცხვრებს ჯერ ისე არ იცნობ-და, რომ სხვისაში გამოეჩინა, ამჯობინა ეს ბიჭი შეეჩერებინა — ჯერ ელიზბარის ცხვრებს დაელივანათ წყალი და მერე მიეშვა სხვისი ფარა. შეჩერდა და გასძახა:

— შეხ, ეი, რომელი ხარ? გააჩერე ეგ შენი ცხვრები, თორემ ჩემს ცხვრებში გაერევიან!

ბიჭი შედგა, შუბლზე ხელი მიიჩრდილა, გორიდან ჩამომავალ ელიზბარს გახედა, ცო-ტა ხანს უცქირა ყურადღებით, მერე ისევ დაიწყო სტვენა და თავკევე დაქანებული თავის ცხვრებს მიჰყვა.

— შეხედე ამას, ვითომ არ ესმის! შენ, არ გესმის გააჩერე რასა ჰქვია?!

უცნობი ბიჭი კიდევ შედგა, კიდევ მცირე ხანს უცქირა ყურადღებით და მერე გზა ვა-ნაგრძო.

გაბრაზდა ელიზბარი: სადაცაა ცხვრები წყალში ჩავლენ და გაერევიან ერთმანეთში, მერე სად უნდა აირჩიოს, რას ეტყვიან ბინა-ში, თავისი რომ დაკარგოს ან სხვისი ცხვარ-ბატკანი მირეკოს თავისის ნაცვლად? ვინღა ანდობს ფარას!

გაცეცხლებულმა ელიზბარმა ერთიც შეს-ძახა უცნობ ბიჭს გააჩერეო და თავდაღმართ-ში დაეშვა, რომ თვითონ მაინც გაეჩერებინ-თ თავისი ფარა, მაგრამ უკვე გვიან იყო. პირველად ელიზბარის ცხვრები დაეწაფნენ წყალს, ხოლო იმავე უცნობი ბიჭის ფარაც შე-უერთდა მათ და ატყლა ხრაპახრუპი და რქე-

ბის ჯახუნი. ბრაზისაგან გადაირია ელიზბარი და წყლის პირას მომდგარ ბიჭს გაღმა გაუ-ვარდა.

— შენ ქართული არ გესმის, რომ ცხვრებში გაეჩერეო?!

ლით გამხეთქე?! ყურებში ბამბა გიყეთია?!.. ცისფერი, მშვიდი თვალებით შეჰყურებდა ტოლს განცვიფრებული ბიჭი და ვერ მიმ-ხვდარიყო რას ეუბნებოდნენ.

ეს კი მეტისმეტი იყო: ელიზბარს პასუხის ღირსადაც არ ხდიდნენ.

ერთბამად აენთო მაშინ და თავისი გრძელი შოლტი გველივით დაახვია ბიჭს.

სრულიად მოულოდნელი იყო ბიჭისათვის ეს.

— რაო? რას ბურტყუნებ? შენ გეკითხე-ბიან, — რათ დაურეე მეთქი შენი ცხვრები ჩემ ფარაში? — და წყლისაკენ მიუთითა.

ეს კი ვერ მოითმინა უცნობმა ბიჭმა და ელიზბარს გვერდებში კომბალი უცხუნა. ეძ-გერა ელიზბარიც უცნობს.

ამ დროს ხევში აბლავლდნენ ცხვრები და ქორდატევებული წიწილებივით გაღმა-გა-მოდმა ფერდობს შეეფინენ. უფრო გახშირდა ბლავილი და თქარათქერი.

წუთით შეჩერდნენ მოჩხუბარნი და ძირს ჩაიხედეს, მერე გაუშვეს ერთმანეთს ხელი



— შენ, ეი, რომელი ხარ? გააჩერე ეგ შენი ცხვრები, თორემ ჩემს ცხვრებში გაერევიან!



უცნობმა ბიჭმა კომბლის ტარი მიაგება მგელს ელიზბარმა კი თავში ქვის ცემა დაუწყო.

და განცვიფრებისა და შიშისაგან პირები დააღეს: ხევ-ხევ გარბოდა ვეება მგელი და კისერზე მოგდებულ ცხვარს მიაქროლებდა.

მცირე ხანს ადევნეს მოჩხუბრებმა თვალი მგელს და მერე ერთმანეთს შეხედეს, დასტაცეს კომბალსა და შოლტს ხელი და მგელს თავი დაუარეს. მეტი ვაზ არ იყო — წალეხული ცხვარი უეჭველად ერთ-ერთისა იყო.

უეცრად მგელი შებრუნდა და ხრამს აუყვა. ელიზბარმა კარგად იცოდა ეს ხრამი და სირბილით ავარდა ფერდობზე, გაქანდა ხრამის სათავისაკენ და იქიდან დასჭყვივლა. შემობრუნდა მგელი, ისევ ხევში შევიდა და წყლის ღიბების წინააღმდეგ წავიდა, მაგრამ აქ ის უცნობი ბიჭი დაუხვდა, ზევიდან დაჰკვივლა და ზედაც კარგა მოზრდილი ქვა მიაყოლა. ნადირმა მაინც ნადავლი არ გააგდო, შებრუნებული გულხეთქებით ჩამოვარდა ისევ ხევში და თავქვე დაეშვა. დასჭყვივლეს ზედიზედ ბიჭებმა ნადირს და ქვების სროლით მიჰყენენ ხევის კიდების გასწვრივ. დაბნეული ნადირი დაჰყვა ხევ-ხევ და იქ, სადაც ანკარა წყარო ოცდაათიოდე მეტრის სიმაღლიდან ძირს ჩანჩქერად ეშვებოდა, თავი ვეღარ შეიკავა და ქვების ზრიალსა და ჩანჩქერის ხრიალში ჩაიკარგა ძირს გადამზღვეული ნადირის შემზარავი ყმუილი და სასიკვდილოდ განწირული ცხვრის ბლავილი.

გულეები ამოვარდნაზე ჰქონდათ ბიჭებს დრო აღარ ითმევდა. წუთით შეყოვნებეს შემდეგ ჩანჩქერის ძირისაკენ დაეშვებნენ. ჩააღწიეს, როგორც იქნა, ძირამდე, მაგრამ აქ აღარც მგელი დაუხვდათ და აღარც ცხვარი. ელიზბარს დატყვევდა თავში — რაღა ეშველებოდა ახლა, თუ ის ცხვარი მისია, ხომ აღარც თიხვლება ბინაში? რას ეტყვის ბიძა? — „მავას შეკვეხებოდი, რომ თვალისჩინივით გავუფრთხილდებო?“ აფსუს, რა ცხვარი იყო?!

ასევე ფიქრობდა ალბათ ის ბიჭიც.

წადგა ელიზბარი წინ და იმ ადგილს მაუახლოვდა, სადაც პატარა ჩანჩქერი ჩხრიალით ეცემოდა ძირს დაყრილ ლოდებს და ათას წიბოვლებად იმსხვრეოდა აყრილ ცხენისტერფას და ჯორისძუას შორის.

უცებ წყლის ხრიალში კვნესისა და ღმუილის ძაგვარი ხმა გააჩნია ელიზბარმა და სხარულით შეჰყვირა მოჩხუბარ თანატოლს:

— ცხვარი! აი, ცხვარი, ბიჭო!

ბიჭი გაქანდა იმ ადგილისაკენ და მიახლოვებაც ვერ მოასწრო, რომ ნადირმა საშიხელი ღრეხით სტაცა პირი.

ძირს გადმოვარდნილ მგელს ზრიალით დასცემოდა ლოდი, უკანა ფეხი დაეჩეჩქვა, ზედ დასწოლოდა და აღარ უშვებდა, ხოლო კლდეზე გამოჩრილი ქვებზე გვერდებდალენილი ადგომასაც ვეღარ ახერხებდა, ყმუოდა ეგრე საწყალობლად.

ბიჭს მკვდრის ფერი დაედო, მაგრამ იმარჯვა და შარვლის ხახვიე ჩაუტოვა პირში, ხოლო მოვარდნილმა ელიზბარმა მარჯვედ ნასროლი ქვით კბილები მიაღწია მგელს. გამწარებულმა მგელმა, როგორც იქნა, გაითავისუფლა ფეხი და ამ გაწამაწიანში ეძგერა ელიზბარს, გადაჩენა ქვებზე და ის იყო უნდა დასაწოლოდა ზევიდან, რომ უცნობმა ბიჭმა მოასწრო და კომბლის ტარი მიაგება პირში. განთავისუფლებული ელიზბარი მივარდა ნადირს და თავში ქვის ცემა დაუწყო. მგელი ახლა მას მიუბრუნდა, მაგრამ ბრძოლის თავი არ ჰქონდა. მალე მგელმა მოძრაობის უნარი დაკარგა, — იგი უკვე მკვდარი იყო.

ელიზბარმა სული მოითქვა როგორც აყო და ქერათმიან უცნობს შეხედა. დააკვირდა და დაინახა, რომ მისი ცისფერი თვალები ილიმებოდნენ. უცქირა ცისფერთვალამ და როდესაც დაინახა, რომ შავი თვალებიც ილიმმა გააბრწყინა, რაღაც გაუგებარი წაიღა-პარაკა და სახეგაბადრულმა სიყვარულით მოუთათუნა მხარზე ხელი უკვე დამეგობრებულ ელიზბარს. ელიზბარმა მხოლოდ ახლა შენიშნა, რომ უცნობს მკერდგაღელილ ნახევარპალტოს ქვეშ ხალათზე პიონერის ნიშანი ეკეთა. ახლა კი მთელი გულით მიენდო წელახედელ „მეტრს“ ელიზბარი და გახარებულმა მიახალა:

— პიონერი ხარ, ბიჭო?
თვალეზგაბრწყინებულმა ბიჭმა რაღაც წა-
ილულულა. ელიზბარმა ვერაფერი გაიგო.
მხოლოდ ერთი სიტყვა ისეთი ჩაესმა, ლე-
კურ სიტყვასა ჰგავდა. ახლა კი მიხვდა ელიზ-
ბარი ბიჭის უთქმელობის მიზეზს. ან რა უნდა
ელაპარაკა მას, ქართული ხომ არ იცოდა.

— უპ, ლეკი ყოფილხარ, შე იხერო? —
ხელი ხელზე მოჰკიდა ელიზბარმა ოდნავ ნაღ-
ვლიანად, — აგრე ვერ მითხარი?

დაიწყო დამეგობრებულ ბიჭებს შორის
საუბარი ნახევრად მუნჯურად, ხელების ქნე-
ვით.

რადგან არ იცოდნენ რომლისა იყო დაგ-
ლეჯილი ცხვარი, ბიჭებმა იქვე, ჩანჩქერის
პირას, გამოაფეშხვევეს იგი, გაჭრეს შუაზე,
შემდეგ მგელიც გაატყავეს და მალე აქეთ-

იქით ბილიკებს შეუყენენ თავთავისი გზით.
ლეკის ბიჭმა ცხვრის ტყავში ჩაღო თავისი
წილი ხორცი, ხოლო ელიზბარს მგლის ტყავი
ილიაში ამოეჩარა, მხარზე ბურახის ფოთ-
ლები დაეფინა, ზედ ცხვრის ნახევარი დაე-
ღო და ხენეშით მიჰყვებოდა მიმავალ ბი-
ლიკს...

...მას შემდეგ მრავალმა ღღემ გაიარა. ბუ-
ნებამ ფერი იცვალა, ხოლო ლეკის ბიჭისა და
ელიზბარის მეგობრობა უფრო განმტკიცდა.

ახლა უკვე აღარ ეშინოდათ ცხვრის დარე-
ვისა. ჩამოსხდებოდნენ ხშირად მეგობრები
გორის თავზე, რაკი შეუსევდნენ ნოყიერ ბა-
ლახს თავიანთ ფარებს, და ახლა უკვე დამ-
ტვრეული ქართულ-ლეკურით უყვებოდნენ
ერთმანეთს წაკითხულს თუ გაგონილს.



ლაშქრობიდან დაბრუნებულნი

მოვდივართ ღიმშეფენილნი,
მოვიარეთ მთა და მდელიო,
გავიცანით საყვარელი,
მშობლიური საქართველო.

საოცნებო ველებია,
საოცნებო მთები დგანან,
ჩვენი ქვეყნის მიწა-წყალი
გმირობისთვის გვაძლევს ძალას.

ზღვა ლურჯი და მოკამკამე,
მშვენიერი ბევრი მხარე
მოგეძახოდა თითქო ნორჩებს:
— მალე ისევ გავგახარეთ!

ბარაქით და სილამაზით
სუნთქავს ჩვენი მთა და მდელიო,
გავიზრდებით, ვასახელებთ
აყვავებულ საქართველოს!

იოსებ ნალაგვილი





საბჭოთა ახალგაზრდობის დიდი მოაზაგე

სამი წლის წინათ, 1948 წლის 31 აგვისტოს, ჩვენმა პარტიამ და ხალხმა მძიმე დანაკლისი განიცადა — დაკარგა თავისი ერთგული შვილი, კომუნისტური პარტიისა და საბჭოთა სახელმწიფოს ერთ-ერთი გამოჩენილი მშენებელი და მოღვაწე, საკავშირო კ. პ. (ბ) ცენტრალური კომიტეტის პოლიტბიუროს წევრი, საკავშირო კ. პ. (ბ) ცენტრალური კომიტეტის მდივანი, სსრ კავშირის უმაღლესი საბჭოს დეპუტატი ანდრია ალექსანდრეს ძე ჟდანოვი.

ანდრია ალექსანდრეს ძე ჟდანოვი დაიბადა 1896 წლის 26 თებერვალს ქ. მარიუპოლში (ახლა ქ. ჟდანოვი) სახალხო სასწავლებლის ინსპექტორის ოჯახში. ამხანაგი ჟდანოვი 16 წლის ჭაბუკი იყო, როცა ჩაება რევოლუციურ მოძრაობაში. 1915 წელს იგი შევიდა ბოლშევიკური პარტიის რიგებში. აქედან დაწყებული მთელი მისი ცხოვრების გზა ხალხისადმი, ლენინ-სტალინის დიდი პარტიის საქმისადმი თავდადებული სამსახურის შთამაგონებელი მაგალითია. მთელი რიგი წლების მანძილზე სახელოვნად ხელმძღვანელობდა იგი ლენინგრადის ოლქისა და ლენინგრადის საქალაქო პარტიულ ორგანიზაციებს.

უკანასკნელ წლებში ამხანაგი ა. ჟდანოვი დაძაბულ და მრავალმხრივ მუშაობას ეწეოდა როგორც საკავშირო კ. პ. (ბ) ცენტ-

რალური კომიტეტის მდივანი. ის იყო მარქსიზმის გამოჩენილი თეორეტიკოსი. ამხანაგი ჟდანოვი თავდადებით ემსახურებოდა პარტიას, ხალხს.

ა. ჟდანოვის მრავალმხრივ სახელმწიფოებრივ მოღვაწეობაში თვალსაჩინო ადგილი ეჭირა საბჭოთა ახალგაზრდობისათვის, ჩვენი ნორჩი თაობისათვის ყოველდღიურ ზრუნვას. „ჩვენი პარტია, — ამბობდა

ა. ჟდანოვი, — ყოველთვის მაღალ შეფასებას აძლევდა და აძლევს ახალგაზრდობის როლს კომუნისტური საზოგადოების მშენებლობაში. ახალგაზრდობის სახით პარტია ხედავს თავის ახალგაზრდა რეზერვს, მომავალს თავისი ძველი თაობის მუშაკთა შესაცვლელად. ჩვენს ახალგაზრდობას ეკუთვნის მომავალი. ეს ახალგაზრდობა შეასრულებს გადამწყვეტ როლს კომუნისტური საზოგადოების მშენებლობაში“.

ანდრია ალექსანდრეს ძე ჟდანოვი ჩვენი ბედნიერი საბჭოთა ბავშვების მეგობარი იყო. მიუხედავად დიდი მუშაობისა, რასაც იგი ეწეოდა პარტიის ცენტრალურ კომიტეტში, ამხანაგი ჟდანოვი ყოველთვის პოულობდა დროს, რომ ბავშვებისათვის ეზრუნა. მას აინტერესებდა პიონერების ცხოვრება, მათი სწავლა, დასვენება. ჟდანოვის მითითებით ლენინგრადის პიონერებს გადაეცათ ქალაქის ერთ-ერთი საუცხოო შენობა — მეფის ყოფილი სასახლე, რომელიც პიონერთა სასახლედ გადაკეთდა. ანდრია ალექსანდრეს ძე პიონერთა სასახლის ხშირი სტუმარი იყო. იგი ესწრებოდა პიონერებისა და მოსწავლეების თვითმოქმედების დღესასწაულებს, სიამოვნებით ათვალიერებდა მათ ნახატებს, ისმენდა, როგორ კითხულობდნენ ისინი ლექსებს, როგორ ცეკვავდნენ, მღეროდნენ და სხ.

ამხანაგი ჟდანოვი მამობრივად ზრუნავდა ბავშვებზე. 1942 წლის 7 დეკემბერს, როცა თამისტი ბარბაროსები ყუმბარებს უშინდენ ლენინგრადს, გმირი ქალაქის მძიმე ვითარებაში მან მხურვალე, გამამხნევებელი წერილით მიმართა ლენინგრადის № 17 საბავშვო სახლის აღსაზრდელებს: „გუსურვებ ჩემს ძვირფას ახალგაზრდა მეგობრებს № 17 საბავშვო სახლიდან ჯანმრთელობასა და წარმატებებს სწავლასა და ცხოვრებაში. ვისურვებ, რომ თქვენ იზრდებოდეთ მედგარ, მტრისადმი შეურთებელ ადამიანებად...“

საბჭოთა კავშირის პიონერებსა და მოსწავლეებს მუდამ ეხსოვებათ ამხანაგი ჟდანოვის რჩევა-დარიგებანი.

გ. გიორგიძე



პარტიზანის ნაამბობი

ქ. გომიანავილი

მთხრობა

მხატვარი ვ. ბელუცკინა

ბნელი ღამე იყო. ტყეში ვისვენებდით. ჩვენი პარტიზანული რაზმი მტერზე მორიგი თავდასხმის გეგმას ამუშავებდა; ამ დროს ძახილი შემოგვესმა:

- სდექ, ვინ მოდის?
- თქვენები ვართ...
- ხელები ზევით!

მთელი რაზმი ფეხზე დადგა.

გუშავებმა ხელგაწეული უცნობები რაზმის მეთაურის კარავში შეიყვანეს. მცირე ხნის შემდეგ კარვიდან მეთაურის ხმა შემოგვესმა:

— ელიზბარ, შეენ?! ეს ხომ ჩემი თანასოფელია! საიდან, როგორ?

უცნობი, რომელსაც რაზმის მეთაურმა ელიზბარი უწოდა, დინჯად ყვებოდა ამბავს.

ჩვენ კარავთან შეჯგუფდულები ვუგდებდით ყურს ლაპარაკს. გავარკვიეთ, რომ მტერს იმათი სოფელი დაეკავებინა.

— ესენი ვინა არიან? — იკითხა მე აურმა.

— ეს ჩვენი მეზობელი სოფლის მასწავლებელი გახლავთ, ივან ვლადიმეროვიჩი. აშან მოგვიყვანა თქვენთან.

— თქვენ საიდანა იცოდით ეს ადგილი? — ცვლავ მოგვესმა ივან ვლადიმეროვიჩის ხმა.

— სოფსაბჭოს თავმჯდომარემ გამანდო! — იყო პასუხი.

— აჰა, გასაგებია! — ჩაილაპარაკა მეთაურმა.

— ეს პატარა ბიჭუნა კი ჩემი შვილია, დათო. ეს კი, დაფეთებულ თხასაბით რომ იცქირება, ფრიცი გახლავთ, გზად შემოგეყვარა და საჩოქრად მოგართვით! — განაგრძობდა ელიზბარი.

— კეთილი, ყველას თავისი ადგილი მიუჩინეთ. ხვალ მოვილაპარაკებთ, ეს მოენე კი აქ დარჩეს, — გასცა განკარგულება მეთაურმა.

როცა ყველანი თავიანთ ადგილებზე წავიდნენ, მამამ და შვილმა ჩვენს კარავში შემოყვეს თავი. სწორედ აქ გავიცანი ელიზბარი და მისი თმაქოჩორა ბიჭუნა დათო.


ამ ელიზბარის ბაბუა რალაც საქმეების გამო ძვილად საქართველოდან უკრაინაში გადმოხიზნულა და აქ დასახლებულა. ამის შემდეგ დარჩა და შერჩა ეს ოჯახი უკრაინას. ელიზბარს ხშირად უფიქრია საქართველოში დაბრუნებაზე, მაგრამ მამაპაპისეული სახლკარის დარღვევა დანანებია. ელიზბარს ცოლად უკრაინელი ქალი ჰყავდა და ბედნიერად იზოვრობდნენ. მაგრამ ომმა მათი ოჯახის სიმშვიდეც დაარღვია.

ჰოდა, იმას ვამბობ, მამამ და შვილმა მთელი რაზმის სიყვარული და ნდობა დაიმსახურეს. ელიზბარი მეტად მოხერხებული ვაჟაკი იყო და რთული დავალებების შესრულებასაც კისრულობდა.

ზამთარი დადგა. ჩვენი რაზმი მოულოდნელი თავდასხმებით მტრის ნაწილებს ანადგურებოდა. დათოს ხშირად შტაბში ეტოვებდით, მაგრამ არ ჩირღებოთა, წასვლისას აგვედევნებოდა. თორმეტ-ცამეტი წლის ბიჭი იყო თა გული ბრძოლისაჲ მითუწეოთა.

ერთხელ, ღამით, ელიზბარმა გარმანელთა მიერ თაპარობილ სოფელში გახიზნული თაგისი ქალიშვილის — პატარა მარინეს — სანახაოდ დააპირა წასვლა. დათოს დის ნახვა ენატრებოთა თა მამას სთხოვა მეც წამოვალთ. ელიზბარმა უარი გერ უთხრა. რაზმის უფროსის მოათავისისაჲან მიიღო ნებართვა. თითონ რაზმის უთროსი ივან ვლადიმეროვიჩი იმ დროს შტაბში არ იყო, სადღაც სპეცილოურ თაიაოებზე წასულიყო.

სოფელში მისვლისას ელიზბარმა გაიგო, რომ მისი ნათესაობი, სადაც მარინე იზრდებოთა, გარმანიაში მიჰყავდათ სამუშაოდ, ცხადია, მარინეც. მოშობელი აინთო. აენთო დათოც, რა ექნათ?! უკან დაბრუნება და



რაზმის მოყვანა ადვილი საქმე არ იყო, არა და მამა-შვილი საყვარელ მარინეს სამუდამოდ უნდა გამოსთხოვებოდნენ. რამე უნდა ელონათ. ამ ფიქრებში იყვნენ, რომ ერთი ლიდი შენობიდან გერმანელი ჯარისკაცები ხმაურით გამოვიდნენ და სოფლელები გამოორეკეს. გერმანელმა ფაშისტებმა უდანაშაულო ადამიანები ოთხ მწკრივად დააწყეს და გზას გაუყენეს. ელიზბარი და დათო ძათ წინ სირბილით მიიკვლევდნენ გზას. სოფლიდან დაშორებით, დაახლოებით ერთ კილომეტრზე, შეჩერდნენ და ტყეს შეეფარნენ.

— ისინი აქ გამოვილიან, — უთხრა ელიზბარმა დათოს, ავტომატი მოიმარჯვა და ხეს ამოეთარა. დათომ ხელყუმბარა მოიმარჯვა და გაყუჩდა. ელიზბარს ერთი რამ არ ასვენებდა: სროლის დროს საკუთარი გოგონა არ მოეკლა. ამ ფიქრში იყო გართული, დათოს ხმა რომ მოესმა:

— მამა, მოდიან!

ელიზბარი დამოერკვა, დათოს წასიურჩულა: როდესაც ის მტერს მოულოდნელად სროლას აუტეხდა, — დათოს ხელყუმბარა მტრისთვის უკან უნდა ჩაეგდო. გერმანელები იფიქრებდნენ: პარტიზანთა მთელი შენაერთი დაგვესხაო, რაც მათში დაბნეულობას გამოიწვევდა.

სოფლელები ბუზღუნით მოდიოდნენ. ნასვამ გერმანელ ჯარისკაცებს თოვლზე ფეხი უტურდებოდათ.

მალე ელიზბარის ავტომატი აკაჯანდა. გერმანელებმაც გაისროლეს და პირი იბრუნეს. ახლა შეშფოთებულ მტერს დათომ შეაგება ხელყუმბარა. გერმანელები დაიბნენ, უწესრიგოდ ისროდნენ. ელიზბარის ავტომატი არ ცხრებოდა. დათოს მეორე ხელყუმბარამაც დაიქუხა, დაიქუხა მესამემაც... ფაშისტი ჯარისკაცები თოვლზე გაწვნენ. ბევრმა ტყვემ გაქცევით უშველა თავს.

წუთით სროლა შეწყდა.

— მარინე! — გაისმა დათოს ხმა. პასუხი არაფის გაუცია.

— მარინე! — კვლავ გაისმა დათოს ხმა.

ამ დროს დარჩენილ ტყვეთა ბანაკს პატარა გოგონას ლანდი გამოეყო.

— შენ ხარ, დათო?! საიდან გაჩნდი აქ?

— აქეთ მოდი, შვილო! — გაისმა ელიზბარის ხმა.

— მამაც აქ ყოფილა?! — და მარინე მამისაკენ გაიქცა.

ის იყო ელიზბარმა მარინეს მკლავში ჩაავლო ხელი და დათოსთან ერთად მტერს სიღრმეში უნდა გაეტაცა იგი, რომ გაჩნდებოდა სროლის ხმა.

ელიზბარი ჩაიკეცა.

— მამა, მამა! — ერთად შესძახეს მარინემ და დათომ.

ელიზბარი ხმას არ იღებდა. იგი მტრის ტყვეით სასიკვდილოდ იყო დაჭრილი.

— მამა... მამა! — კვლავ ჩასძახეს შვილებმა მომაკვდავ მშობელს. მიხვდნენ, რაც ხდებოდა. დათომ მამის ავტომატს დაავლო ხელი, მაგრამ ამ დროს ვილაციის ხელმა შეაჩერა იგი.

— გველის წიწილები! — გაისმა გერმანელი ოფიცრის ბოროტი ხმა. ამას მარინეს კივილი მოჰყვა. ფაშისტი ჯარისკაცს გოგონასთვის თმაში ჩაეველო ხელი.

— წამოათრეით! — დაიღრიალა ოფიცერმა, დარწმუნებულმა იმაში, რომ პარტიზანები ტყეში არ იყვნენ და მათგან ხიფათა არ მოელოდა.

— წამოათრეით! — კვლავ დაიღრიალა მან და ჯარისკაცმა ბავშვები გზისკენ წაათრია.

გერმანელებს ცოტა ტყვე შეერჩენოდათ. მათი წაყვანა არ ღირდა, ამიტომ რამდენიმე



— დათომ მამის ავტომატს დაავლო ხელი, მაგრამ ამ დროს ვილაციის ხელმა შეაჩერა იგი.

ჯარისკაცის თანხლებით ისინი სოფელში დაბრუნეს. დათო იქვე მახლობლად ნაცობი ტყისმცველის სახლისკენ წაიყვანეს და საკითხავად. მარინეც მას გააყოლეს.

ტყისმცველი ნიკიტა მოგრძო უღვაწე ხელის გადასმით და დიდი ლაქუცით შეეგება სტუმრებს.

— ოჰო! სად იყვნენ ეს ძაღლის ლეკვები? — ჰკითხა მან გერმანელ ოფიცერს, როცა დათო და მარინე დაინახა.

— მამის დაკრძალვაზე გახლდნენ, — მკვახედ მიუთვო ოფიცერმა.

ტყისმცველი შეფიქრებდა.

— შენ, ეი, — შესძახა ტყისმცველს ოფიცერმა, — ეს ბარტყები პატარა ოთახში ჩაკეტე, შემდეგ უნდა დავკითხო, ჩვენ კი არაყი გვინდა, ხომ ხედავ, ამ თქვენს წყეულ უკრაინაში რა ჯოჯოხეთური სიციფია. შენ რომ ჯუბით დაბრძანდები, ჩვენთვისაც სიბოზა საჭარო.

ოფიცერმა პაპიროსი გააბოლა.

— რა ვქნა, ბატონო! ყოველ წუთს მზადა ვარ. ის არამზადა პარტიზანები არ გვასვენებენ, ახლაც სროლის ხმა იყო, ვერცხლისწყალივით არიან. ძნელია იმათი დაჭერა. დღეს აქ არიან, ხვალ იქ...

— ენა ნუ წაიგრძელებ! რაც ფითხრეს, ის შეასრულე! — გაჯავრდა ოფიცერი.

— ყველაფერი ამ წუთში იქნება, ბატონო ოფიცერო! — უპასუხა ნიკიტამ და ბავშვები ერთ პატარა ოთახში ჩაკეტა, ცეცხლი დაანთო, სუფრაც გააწყო და მცირე ხნის შემდეგ შეზარხოშებული გერმანელები უთავბოლოდ მღეროდნენ.

ნიკიტა ფინისავეით სულ იმათ შესცქეროდა და ემსახურებოდა.

შუალამე უკვე გადასული იყო, როდესაც ოფიცერსა და ჯარისკაცს მაგიდაზე ჩაედინათ. ტყისმცველმა მათ გადახედა, გავიდა და ხელში რკინის დიდი ურდულით დაბრუნდა, გერმანელების წინ შედგა და ურდული ჰაერში შემართა.

— სისხლი სისხლისა წილ! — ხმადაბლა თქვა მან, და რამდენამე წამის შემდეგ თავგაპობილი გერმანელები იატაკზე უსულოდ ეყარნენ. ნიკიტამ ხელში სანათი აიღო, პატარა ოთახის კარი გააღო და ბავშვებს დახედა. ისინი შაშისაგან ერთმანეთს ჩახუტებოდნენ. მარინეს ლოყაზე ცრემლი დაჰკივებოდა. ხელის შეხებაზე დათომ თვალეები გაახილა, ბურანში ყოფილიყო. ის იყო ბი-

ტუნას უნდოდა დაეყვირა, რომ ტყისმცველი მისკენ დაინახა:

— სსუ ჩუმაღ! შენი დაიყო ფროთხილად გააღვიძე, უნდა წავიდეთ...

— საღ?! — იკითხა გოაცებულმა დათომ...

— სადაც საჭიროა...

— მე არსადაც არ წამოვალ, რა გინდათ ჩვენგან! — წამოიძახა დათომ და მარინეს ხელები მოხვია.

მარინე შეიშმუნა.

ტყისმცველმა სწრაფად ჩამოიგლიჯა წვერ-უღვაში და... დათოს წინ პარტიზანთა მეთაური ივანე ვლადიმეროვიჩი იდგა. მას თურმე პარიკი ჰქონდა გაკეთებული.

— ძია ივანე... თქვენ! — წამოიძახა გოაცებულმა დათომ.

— სსუ... ჩუმაღ... სიფროთხილე საჭირო... ხმა არ ამოიღო... აბა, წავიდეთ!

დათომ მარინე გააღვიძა, ყველაფერი აუხსნა.


ისინი დიდ ოთახში გამოვიდნენ. აქ ბავშვებმა ზიზლით დახედეს იატაკზე დაყრილ მამისმკვლელებს. ივანემ გერმანელებს იარაღი ააცალა და სამზარეულოში გავიდნენ. მაგრამ ივანე ვლადიმეროვიჩმა ბავშვებს აუხსნა, რომ ეს იყო ნამდვილი ტყისმცველი.

— სამშობლოს მოღალატისათვის და გამცემისათვის სხვა უკეთესი სასჯელი არ არსებობს, — თქვა ივანემ.

ბავშვები ყველაფერს მიხვდნენ.

მაღე სამივენი ღამის წყვილიაღში გაქრნენ.

ამასწინათ თბილისიდან ბათუმისკენ მიემგზავრებოდა. ზესტაფონში ვაგონიდან გამოვედი... ახალი გათენებული იყო და მინდოდა სუფთა ჰაერი ჩამესუნთქა. უცებ შემხვედრი სატვირთო მატარებლის მემანქანემ მიიქცია ჩემი ყურადღება.



— ნაცნობი სახეა, — გავიფიქრე.

დათოს თვალში
ეროვნული
რომანტიზმი

— ნაცნობი სახეა, — გავიფიქრე და ვერ მოვიგონე, თუ საიდან ვიცნობდი ამ ახალგაზრდა მემანქანეს. ცხოვრებისთვის მძლია, ის იყო ვინაობა უნდა მეკითხა მისთვის, რომ მატარებლის უპრობლემო მშენებელი:

— დათო აიღე, გემრიელია, — და ყურძენი მიაწოდა.

დათოს ხსენებაზე ყველაფერი მომაგონდა, ჩემ თვალში გაიელვა უკრაინის ზრდილობა, ელიზბარმა, მარინემ და უნებურად წაჰოვადანე:

— დათო, დათო!
მემანქანე მომაჩერდა.
— დათო, ვერ მიცანი?! — და ელმავ-

ლის კიბეზე ფეხი შევდგი. დათოს თვალში გაუბრწყინდა, ხელი გამომიწოდა და ერთმანეთს გადავეხვიეთ.

დათოს ლაპარაკიდან გავიგე, რომ რაინიდან საქართველოში ნათესავეებთან ჩამოსულა, აქ რკინიგზის სახელოსნო სასწავლებელი დაუთმავრებია და მემანქანე გაბნა.

მეორე ზარი დაირეკა.
— მარინე სად არის? — ვკითხე დათოს და აჩქარებულმა ვაგონს მივაშურე.

— თბილისში სწავლობს ჭრა-კერვის სკოლაში, — მომაძახა მან. მეტის შეკითხვა ვერ მოვასწარი, ვაგონში შევედი და დათოც თვალს მიეფარა.



ბავშვებს გაუჩნდათ საქმე—
ჰყავთ აბრეშუმის ქია,
ხათუნა ლასტებს ღობავეს,
თუთის ტოტებს ჭრის მზია,
ლიას მინდვრიდან მოაქვს
საცახე რძიარძია.

ყველა ფუხფუხებს, შრომობს,
ყველა თადარიგს იჭერს,
უსაქმოდ ნუ ზიხართო—
ნუნუ უწყობა ბიჭებს.

— კარგი, ნუ ჯავრობ, კმარა,—
ამბობს ღიმილით რეზო,

მას მიეშველა გია,
გვიმრით აავსეს ეზო.

და უხარია ყველას,
დარი დაუდგათ კარგი...
ცახზე გამოჩნდა მალე
კაკლისოდენა პარკი.

ბებოც მოვიდა, ნახა,
ბავშვების შრომას აქებს,
ან კი ვინ დაუწუნებს
ამ ჩვენს მალხაზებს საქმეს!

მირონ სურგულაძე






ნაზიმ ჰიქმეთი

მე თუ არ ღაღიწვი,
შენ თუ არ ღაღიწვი,
ჩვენ თუ არ ღაღიწვით, —
ბნელს რა ბაანათებს!

ნ ა ზ ი მ ჰ ი ქ მ ე თ ი .



ნ ა ზ ი მ ჰ ი ქ მ ე თ ი

ნაზიმ ჰიქმეთის სახელი ცნობილია მთელ მსოფლიოში. იგი მილიონობით მშრომელთა გულის ხმის მომდერალია, პროგრესული კაცობრიობის ნათელი მიზნების განხორციელებისათვის გამირი მებრძოლია. იგი ერთ-ერთი უდიდესი და თვალსაჩინოა მსოფლიოს სახელმწიფოებრივ დემოკრატიულ პოეტთა შორის.

ცხოვრების მეტად მძიმე გზა განვლო ამ დიდმა თურქმა პოეტმა. ჯერ კიდევ სრულიად ახალგაზრდა, საზღვაო სასწავლებლის მოყოფე, იგი ებმება რევოლუციური მუშაობაში, დგება თავისუფლებისათვის მებრძოლ მებრძოლთა მოწინავე რიგებში. ვერც ციხეებში, ვერც თურქ რევოლუციონერთა დევნა-შევიწროებაში, ვერც რევოლუციური მუშაობის სიძვირეშია ვერ გატანეს პოეტის სული.

1920 წელს ახალგაზრდა ნაზიმ ჰიქმეთი ახერხებს მოსკოვს ჩასვლას. აქ იგი სწავლობს აღმოსავლეთის მშრომელთა კომუნისტურ უნივერსიტეტში, ისმენს დიდი სტალინის ლექციებს, ეცნობა და ეზიარება დიდი რუსი ხალხის კულტურას, ეუფლება მარქსიზმ-ლენინიზმის ყოვლისმძლე თეორიას, უახლოვდება და უმეგობრდება რევოლუციის დიდ პოეტს ვლადიმერ მაიაკოვსკის. მოსკოვში იგი 1924 წლამდე სწავლობს. ეს წლები საუკეთესო პერიოდად რჩება მთელ მის ცხოვრებაში, ამ წლების მოგონებას პოეტი უძღვნის მაღალხატვრულ და მაღალიდგურ მრავალ ლექსს.

მოსკოვი, კრემლი, დიდი სტალინი — აი მანათობელი შუქურა, რომელიც ნაზიმ ჰიქმეთს, ისე, როგორც თავისუფლებისათვის მებრძოლ ყველა პატიოსან ადამიანს, გზას უკვლევს.

იცოდა რა ძალა უნიჭიერესი პოეტის ლექსისა, თურქეთის რეპროდუქციონერმა მთავრობამ ბევრჯერ მოუსპო ჰიქმეთს თავისუფლება — ჩაეკეტა ბნელი ციხის ჯურღმულში, ხოლო უკანასკნელად მთელი 12 წლის განმავლობაში პოეტი განუწყვეტლივ ჩაეკტილი იყო საკანში, თავისუფლებას მოკლებული.

მაგრამ ციხის ბნელი საკნიდანაც მოისმოდა ნაზიმ ჰიქმეთის მომწოდებელი ხმა. აქ დაწერა მან მრავალი შეხანიშნავი ლექსი და მათ შორის უკვდავი პოემა „ზოია“, მიძღვნილი დიდი რუსი ხალხის სახელოვანი ქალიშვილის, დიდი სამამულო ომის ლეგენდარული გმირის ზოია კოსმოდევიანსკაიასადმი.

ნაზიმ ჰიქმეთის მრავალი ლექსისა და პოემის, მრავალი პუბლიცისტური ნაწერების ქვეშ ვკითხულობთ: „დაწერილია ციხეში“.

აუწერელი ტანჯვა გამოიარა ნაზიმ ჰიქმეთმა თურქეთის პატარა ქალაქ ბრუსას ბნელი ციხის საკანში. აქ მას გული დაუფადადდა.

პოეტი მოითხოვდა თავისუფლებას, მაგრამ ამაოდ! გარდა ნაზიმ ჰიქმეთისა, თურქეთის ციხეებში ჩაყრილი იყო თავისუფლებისათვის მებრძოლი 1176 მასწავლებელი და პროფესორი. არჩევნების დაწყების წინ თურქეთის მთავრობამ, თურქი ხალხის თვალის ასახვევად და გულის მოსაგებად, გადაწყვიტა გამოეცხადებინა ამნისტია და გაეთავისუფლებინა 350 პატიმარი, მათ შორის ავადმყოფი ნაზიმ ჰიქმეთიც. მაგრამ იმ დღეს, როცა ამნისტიაზე ხელი უნდა მოეწერათ, თურქეთში ჩამოვიდნენ ამერიკელი გენერალი კოლინსი და ამერიკის შეერთებული შტატების ელჩი უოლსვორტი. ამერიკელთა კაბალაში მომწყვედულ თურქეთის მთავრობას, როგორც თავისი ხალხი მიჰყავდა ოკეანის-გალმელ იმპერიალისტებს, შეეშინდა ჩამოსული „სტუმრების“ გულისწყრომისა და ხელს აიღო ჰიქმეთის განთავისუფლებაზე.

მრავალტანჯულმა, ისედაც დაავადებულმა პოეტმა გამოაცხადა შიმშილობა. იგი არ ეკარებოდა საკმელს, რომელიც ციხის დარაჯს მის სარკმელთან მიჰქონდა. ასე გრძელდებოდა დიდხანს. პოეტი სულ უფრო და უფრო უძლურდებოდა. შვილისადმი თანაგრძნობის ნიშნად შიმშილობა გამოაცხადა პოეტის მოხუცმა დედამ ჯელისმაც.

ნაზიმ ჰიქმეთი და მისი მოხუცი დედა მარტონი არ იყვნენ თურქ რეპროდუქციონერთა წინააღმდეგ ბრძოლაში. ნაზიმ ჰიქმეთის გასათავისუფლებლად აღდგა მთელი მოწინავე კაცობრიობა. მსოფლიოს პატიოსანი ადამიანება, მშრომელები, მოწინავე ინტელიგენცია ხმას იმად ლბედნენ და მოითხოვდნენ დიდი თურქი დემოკრატი პოეტის განთავისუფლებას. საბჭოთა კავშირის პოეტებმაც მიმართეს თურქეთის მთავრობას ციხიდან გაშვებას ნაზიმ ჰიქმეთი, წინააღმდეგ შემთხვევაში, — სწერდნენ ისინი, — თურქი ხალხის საყვარელი პოეტის შიმშილით სიკვდილი ციხეში, მოურეცხავი სიროცხვილი იქნება თურქეთის მთავრობისათვის, ეს გამოცხვევს მთელი მსოფლიოს მშრომელთა ადმფოთებას.

ჩ ა ო

რაც უფრო მეტ ტანჯვას აყენებდა თურქეთის მთავრობა დიდ პოეტს, მით უფრო საყვარელი, ძვირფასო ხდებოდა თურქი ხალხისათვის ნაწიმი ჰიქმეთის ლექსები. ამ ლექსებს ჩუმად ავრცელებდნენ, მოსწავლეები მას იზეპირებდნენ.

და შა, დაადწია ნაწიმი ჰიქმეთმა თავი ციხის ბნელ საკანს. თურქეთის ხალხისა და მსოფლიოს ასეულ მოლიონობით მშრომელთა აღშფოთების მეოხებით თურქეთის რეაქციონური მთავრობა იძულებული გახდა გაეთავისუფლებინა იგი.

მალე ნაწიმი ჰიქმეთს მშვიდობის საერთაშორისო სტალინური პრემია მიენიჭა.

ციხის ჯურღმულებიდან თავდადწეული დიდი დემოკრატი პოეტი ისწრაფოდა საბჭოთა კავშირისაკენ, მოსკოვისაკენ.

და აი, ამას წინათ ბუქარესტიდან, სადაც განთავისუფლების შემდეგ რამდენიმე ხანს იმყოფებოდა, თვითმფრინავით მოსკოვს ჩავიდა მშვიდობისა და ხალხთა მეგობრობის დიდი მომღერალი ნაწიმი ჰიქმეთი. მას ვნუკოვს (მოსკოვი) აეროდრომზე შეხვდნენ საბჭოთა პოეტები, მოსკოვის მშრომელები, ინტელიგენცია.

დაუფიწყარი იყო შეხვედრის ეს წუთები. ნაწიმი ჰიქმეთს გულთბილი, ამბლღვებელი სიტყვებით მიმართეს გამოჩენილმა საბჭოთა პოეტებმა ნიკოლოზ ტახტაშვილმა და კონსტანტინე სიმონოვმა.

შემდეგ შეკრებილთ სიტყვით მიმართა ყველა საბჭოთა მოქალაქისათვის ძვირფასმა და საყვარელმა ნაწიმი ჰიქმეთმა:

„მე იმდენად ბედნიერი ვარ, რომ არ ძალმიძს ლაპარაკი, თუმცა ბევრის თქმა შემეძლო. ჩემს სიცოცხლეს, თავისუფლებას, ყოველივე მშვენიერს, მშვიდობის სიყვარულს უნდა ვუმაღლოდე დიად ქალაქს მოსკოვს. მე საბჭოთა კავშირის ერთ-ერთ შვილად ვთვლი ჩემს თავს.

ჩემი ხალხი, თურქი ხალხი, გმინავს ამერიკელი იმპერიალისტების უღელქვეშ. ჩემი ხალხის შვილებს — მუშებისა და გლეხების შვილებს — ამერიკული ფორმის ტანსაცმელს აცმევენ და მკვლელებად გზავნიან კორეაში. მაგრამ მე დარწმუნებული ვარ, რომ სხვა ხალხების მსგავსად თურქი ხალხიც დიდი სტალინის დროებით განაგრძობს ბრძოლას მუდამივი მშვიდობისათვის, თავისი ქვეყნის განთავისუფლებისათვის.

მშვენიერ, გულითად შეხვედრას, რომელიც თქვენ გამიმართეთ, მე, უწინარეს ყოვლისა, ვაკუთვნებ ჩემს ხალხს. ჩემი სახით თქვენ მისეულმეთ გაუბედურებულ თურქ ხალხს, რომელიც, მიუხედავად ყველაფრისა, აღსავსეა ბრძოლის სურვილით. მაღლობას მოგახსენებთ მისი სახელით.

მე ცხრამეტი წლისა ვიყავი, როცა პირველად ჩამოვედი საბჭოთა კავშირში, მე ვსწავლობდი უნივერსიტეტში, რომელიც სტალინის სახელს ატარებს, ვისმენდი სტალინის ლექციებს. ჩემთვის სტალინი უდიდესი აღამიანია მთელ მსოფლიოში, აღამიანი, რომელმაც ბევრი რამ მასწავლა“.

ფერდობებზე შეფენილა ჩაის მწვანე ბუჩქები, ჩამწკრივებულ-დარაზმული, კოხტა, თმანუქუქები!

რარიგ შეგნის გაშლილ ფართობს კვლების სწორი ზოლები, ბუჩქებს გვერდში მოსდგომია ბუჩქი ზედმიყოლებით!

დგას ბუჩქები სულ ერთთავად კოხტად შეკრეკილები, ღეროებზე ყლორტები აქვს ხშირად ამოყრილები;

და ფოთლები ნორჩი, მწვანე, ყლორტებს მუდამ ეზრდება; თავქოჩორა ამ ბუჩქების კრეფა ვის მობეზრდება?!

ჩაის მკრეფავ ქართველ ქალებს აბა სად არ აქებენ?!

თვალს ვერ მოჭკრავ, ისე სწრაფად უთვალავ ბუჩქს გაკრეფენ!

გაკრეფენ და, ხედავ, ისევე უცბად აბიბინდება.

კრეფა, ბარვა და სასუქი ჩაის არ მოსწყინდება;

ამიტომაც მკრეფავები კრეფას ვერ მოსცდებიან, ირიქრაყებს თუ არა და ნაკვეთს მოედებიან;

განიერი კილის ქუდით ხან აქ, ხან იქ ჩნდებიან, გეგმას მუდამ აჭარბებენ, ნორმას არ სჯერდებიან!

და მოკრეფილ ჩაის ფოთლებს მიაქროლებს მანქანა; სურნელოვან ჩაის გვაწვდის ჩვენი ჩაის ქარხანა.

ჩვენი ჩაის ქებაშია ყველა მისი მნახველი! საქართველოს ჩაიმ უკვე შორს გაითქვა სახელი!

ლ. პარღოსანიძე

ილია სიხარულიძე



6. პრვიზიონი

მთხრობა

მხატვარი გ. ბელეცკაია

ბორიამ გვიან გაიღვიძა, როცა თვალები გაახილა, დედა უკვე ქურქს იცვამდა.

— ჩაიდანნი ჯერ კიდევ თბილია, — უთხრა დედამ, — ხოლო საუზმე კი...

— დედა, მოიცა ცოტა ხანს.

— რა იყო? — უთხრა დედამ.

ბორიამ სწრაფად ჩაიცვა, კალენდარს ფურცელი მონხა, ბალიშის ქვეშ მოთავსებული პატარა ხვეული გამოიღო, წელში გაიმართა, საზეიმო გამომეტყველება ძიილო და დედას მიმართა:

— დედა! გილოცავ ქალთა საერთაშორისო დღეს! ეს საჩუქარი კი შვილისაგან დედას.

— გამდლობ, შვილო, — უთხრა დედამ. — რა მშვენიერი უბის წიგნაკია! ნუთუ შენ გააკეთე?

დედამ გადაკოცნა იგი და წასვლა დააპირა. უკვე კარებთან იყო მისული, რომ შემობრუნდა, თვალი მიაგლო ოთახს, მაგიდაზე გადაფარებულ მოქარგულ სუფრას და ალერსიანი ხმით წარმოთქვა:

— ბორია, იყავი უფრო წესიერად... შეიძლება საღამოს ბებიამ შემოიაროს... სკოლაში წასვლის წინ ჭამე ვინეგრეტი, შინ დაბრუნებისას კი სადილიც მოგისწრებს. მე დღეს აღრე დავბრუნდები. აი, ეს სამწუხაროა, რომ გუშინ იატაკის მორეცხვა ვერ მოვასწარი.

— რა ვუყოთ, ძალიან კარგია! — თქვა ბორიამ.

— რა არის ამაში კარგი? — გაიკვირვა დედამ.

— ძალიან კარგია ის, რომ შენ აღრე დაბრუნდები!

როდესაც დედა გავიდა და კარები მიიხურა, ბორიამ მხიარულად შესძახა:

— აა! ვერ მოასწრო მორეცხვა! მით უკეთესი! — და გაიქცა სამზარეულოში.

აი... მაგიდაზე გუშინდელი ვახშმის შემდეგ დარჩენილი ტილოგადაფარებული ორი თევში და ორი ფინჯანი ელაგა (დედა ქარხანაში კრების შემდეგ კონცერტს დაესწრო და გვიან დაბრუნდა), ფაფის ქვაბი გაუწმენდავი იყო, ხოლო გამოსალობად წყლით გაეცხოთ. ბედმა გაუღიმა! გავლისას ბორიამ ჩაიხედა კალათაში, რომელიც დედას კარტოფილისა და ბოსტნეულისათვის დაჰქონდა. კალათა თითქმის ცარიელი აღმოჩნდა.

— ვაშა! — წამოიძახა ბორიამ.

მან სწრაფად დალია ჩაი და თავდასხმითი ოპერაციების მომჭიქრებელი სარდალივით დადგა შუა ოთახში: გვერდიდან დავარტყა თუ პირდაპირ გადავიდე შეტევაზე ცენტრალურ პოზიციებზე?


— არაფერია, — გადაწყვიტა მან, — დავიწყოთ უძნელესიდან!

მან სახელოები აიკაპიწა და ჩაიდანში დარჩენილი ცხელი წყალი ვედროში ჩაასხა.

იატაკის მორეცხვის შემთხვევა ბორიას არასოდეს არ ჰქონია, მაგრამ მან კარგად იცოდა, რა იყო ამისთვის საჭირო. მთავარია — არ დაზოგო წყალი, ჩვარი აქეთ-იქეთ უსვა, ძნელ შემთხვევებში დანით ფხიკო იატაკი და ოთახში მოთავსებული საგნები გადაალავო.

ბორია ხან წახრილი ქშენდა, ხან ჩაცუცქდებოდა, გადააჩოჩა თავისი საწოლი, თავი შეჰყო და შეფორთხდა თავის დედის მძიმე საწოლის ქვეშ. მან ვერ მოახერხა კამოდისა და მამის საწერი მაგიდის ადგილიდან დაძვრა, მაგრამ დედას ხომ ხშირად გადააქვს ისინი ადგილიდან ადგილზე!

დასასრულ მიღწია კარებამდე, ბორიამ ასწია თავი და საათს დახედა — სრულიად მო-



ყოლოდნელად საათის დიდი ისარი ნახევარ-წრეს გადაცდენოდა.

„ეჰე,—გაიფიქრა მან,—უნდა ავჩქარდე!“

სამზარეულოში საქმე უფრო სწრაფად წარიმართა, რადგან გადასალაგებელი ნივთები უფრო ცოტა იყო. როდესაც სამზარეულო შუამდე მორეცხა, ბორიამ დალილობა იგრძნო. უცებ თავი წარმოიდგინა გემზე მოსამსახურე ბიჭად, რომელიც სამანძიანი გემის ბაქანს ასუფთავებს ძველი ბოცმანის მკაცრი მეთვალყურეობის ქვეშ.

აი, თითქოს მორჩა ბაქანს, ჩავიდა გემის სამზარეულოში, ჩავიდა და გარდაიქმნა გემის მზარეულად... ბოლოს საინებიც დარეცხა და ქვაბებიც ვერცხლისფერად გააპრიალა.

ბორიამ რამდენჯერმე შეირბინა ოთახში და დახედა საათს. მას ეჩვენებოდა, თითქოს უხილავი ხელი საათის ისარს სწრაფად ამოძრავებდა—ათიდან ისარი ერთბაშად გაჩნდა თერთმეტის ნახევარზე და შემდეგ კი უცებ თორმეტს თხუთმეტი წუთი აკლდა.

ბორიამ მაგიდის უჯრა გამოსწია, რომელშიც საოჯახო ხარჯებისათვის განკუთვნილი ფული იყო. ტუჩების მოძრაობითა და თითების მოკეცვით გამოიანგარიშა რაღაცა. წუთიც—და ხელში კალათით იგი კიბეზე ჩამორბოდა.

დახლთან მისვლისას ბორიამ ჩაახველა, ყელი გაიწმინდა და რაც შეიძლებოდა მოზრდილის ხმით წარმოთქვა:

—გეთაყვა, მომეცი ნახევარი კილო საუკეთესო ხორცი... თქვენი სინდისის ქვეშ!

ბებია მუდამ ასე მიმართავდა ხოლმე ხორცის გამყიდველს.



სამზარეულოში საქმე უფრო სწრაფად წარიმართა.

სქელმა გამყიდველმა თავიდან ბოლომდე ჩათვალა ბორია, შემდეგ შემფასებელი მზერა ყაფაზაზე დალაგებულ საქონლის ხორცზე გადაიტანა. ბოლოს ხვნეშით მოკვეთა ხორცის დიდი ნაჭერი და უთხრა ბორიას:

— მიიღეთ, ყმაწვილო, კმაყოფილი დარჩებით!

ბორიამ სამწვანილე განყოფილებაში შეირბინა, შემდეგ ფურხეში. შინ დაბრუნებისას კი, შეხედა საათს თუ არა, ამოიხენემა.

ვერც ერთი გემის მზარეული ვერ გაუმენდდა მასავით სწრაფად და გულმოდგინედ კარტოფილს. ბოლოს კარდალი კარტოფლით გაავსო და პირამდის წყალი ჩაასხა, ხორცი და მწვანილი გარეცხა და სინზე ლამაზად დაალაგა.

გვერდით სამზარეულო მაგიდაზე დადო წერილი:

— დედა, ჩემი სურპრიზია!*

ასეთივე შინაარსის წერილები, უფრო მსხვილი ასოებით დაწერილი, დადო იატაკზე, სამზარეულოშიც და ოთახშიც. კამოდზე კი, ყველაზე თვალსაჩინო ადგილას, დატოვა კიდევ ერთი წერილი:

„დედა მე წითელი ყუთიდან ამოვიღე 20 მანეთი და 40 კაპიკი... ესეც აგრეთვე სურპრიზია, მას სამზარეულოში ნახავ!“

ბორიამ ძლიერი შიშვლი იგრძნო. სწრაფად უნდა ექაშა ვინეგრეტი და გაქცეულიყო სკოლაში. უკანასკნელ წუთს ოხკანის ქვეშ საინი მორეცხა. უცებ ბორია მწარედ დაფიქრდა:

„ვაიშე, დედა, გაკვეთილები?!!“

•••

როცა გაკვეთილები არ იცი, რა სჯობს: იჯდე თვალებდახრილი, წყნარი და მშვიდი სახის გამომეტყველებით, თუ, პირიქით, მხნედ და გაბედულად უცაქროდე პირდაპირ ანტონინა ნიკოლაევას: „თუ გნებავთ მკითხეთ, მე არაფერი ძაქვს საწინააღმდეგო?“

თუმცა არის კიდევ მესამე საშუალება... მაგრამ ეს უნდა ქნა ერთბაშად, გაკვეთილის დაწყების წინ: ადგე და მთელი გულახდილობით თქვა: „ანტონინა ნიკოლაევანა, მე დღეს გაკვეთილები არ ვიცი, ვთხოვთ არ მკითხოთ!“

მაგრამ ასე ხომ მაშინ ამბობენ ხოლმე, როდესაც ვინმე ავად გაუხდებათ, ან რაიმე სხვა საპატიო მიზეზია...

კლასში კი ყველა ისე საზეიმოდ გამოიყურება, ისე კარგი სუნი ასდის ქილაში მოთავსებულ მიმოზას მასწავლებლის მაგიდაზე! თვითონ ანტონინა ნიკოლაევაც კი დღეს რა-

* სურპრიზი — მოულოდნელი სიამოვნება; მოულოდნელი საჩუქარი.

ლაც სხვანაირია, განსაკუთრებულად გახარებულია და თითქოს გააბალღაზოდავებულა კიდევც... ეგებ არც მკითხოს დღეს გაკვეთილი...

აი, მან გადაშალა კლასის ყურნალი. ალბათ არც მკითხავს — ხოი მკითხა ამის წინ არითმეტიკასა და რუსულში, დაფასთან გამიძახა... იგი ისეთებს ჰკითხავს, რომელთაც ცოდნაში არ არის დარწმუნებული, ვისაც ძეოთხედის ბოლოს ცუდი ნიშების გამოსწორება ესაჭიროება...

რა თქმა უხდა, არ მკითხავს! ჩუმად ვიყო სჯობია!

ბორიამ პირველად ასეთ საშუალებას მიმართა — დახარა თვალები. შეძდეგ — მეორე საშუალებას — ძეხედა პირდაპირ ანტონინა ნიკოლაევნას და უეცრად მესამე საშუალებას — წამოდგა და წამოიძახა:

— ანტონინა ნიკოლაევნა, გთხოვთ მაპატიოთ, ძე დღეისათვის გაკვეთილები არ დამისწავლია. სხვა დროს გამომკითხეთ!

კლასში დაძაბული სიჩუმე ჩამოვარდა. ანტონინა ნიკოლაევნამ გაკვირვებით ჰკითხა:

- სრულებით არ ვისწავლია?
- სრულებით არ მისწავლია.
- ეს როგორ მოხდა?
- ძე, ანტონინა ნიკოლაევნა... სურპრიზი მინდოდა დაძეზადებისა!

ანტონინა ნიკოლაევნამ ჩაიცინა. — გმადლობთ ასეთი სურპრიზისათვის. მე შეხვან ამას ნამდვილად არ მოველოდი.


ბავშვებმა თავშეკავებულად ჩაიცინეს. — თქვენთვის კი არ მინდოდა სურპრიზი, — უპასუხა ბორიამ, რომელიც სულ უფრო და უფრო წითლდებოდა. — დედას მივართვი სურპრიზი! აი... საჩუქარი ქალთა დღისათვის.

კვლავ მთელმა კლასმა გაიცინა. — მოიცა, მოიცა! — ღიმილით თქვა ანტონინა ნიკოლაევნამ, — მე ეგ რაღაც არ მესმის: ეს რა საჩუქარია, რომ გაკვეთილები არ დაისწავლო?

ბორიამ მგზნებარედ უპასუხა: — მე გაკვეთილებზე კი არ მოგახსენებთ! მთელი წლის განმავლობაში ყველაფერს დედა მიკეთებს. დღეს კი მე მინდოდა მისთვის ყველაფერი გაძეკეთებინა, რომ სამუშაოდან შინდებრუნებულს ყველაფერი მზად დახვედროდა.

და მან უამბო მასწავლებელს თავისი საოჯახო საქმიანობის შესახებ.

ახლა კი ბავშვები ბორიას პატივისცემით უტყუარდნენ და ანტონინა ნიკოლაევნას კი ცნობისმოყვარეობით: როგორ მოიქცევა ის? — იატაკიც მორეცხე? — უნდობლად შე-



— ანტონინა ნიკოლაევნა, გთხოვთ მაპატიოთ, მე დღეისათვის გაკვეთილები არ დამისწავლია.

ეკითხა ანდრიუშა, რომელიც ბორიას გვერდით იჯდა მერხზე.

— იატაკიც! — ამაყად მიუგო ბორიამ.

— ყოჩაღ! — თქვა ანტონინა ნიკოლაევნამ, — ეს ძალიან კარგია, რომ შენ მოინდომე დედას მოხმარებოდი, მაგრამ გაკვეთილების საქმე როგორ მოხდა? გუშინ უხდა გესწავლა.

— მეც გუშინ საღამოს ვაპირებდი, — დარცხვენით უპასუხა ბორიამ, — მაგრამ სასიერხოდ წავედი, მეგონა, რომ დღეს დილით ყველაფერს მოვასწრებდი... მე არ მეგონა, თუ ასე დიდხანს მოვუნდებოდი დედის საქმეებს!..

— დიახ, — თქვა ანტონინა ნიკოლაევნამ, — დედის საქმეები ძნელია. მით უმეტეს შეუჩვეველი კაცისათვის!

მასწავლებელმა თავისკენ მისწია ყურნალი და ბორიას გვარის პირდაპირ დიდი შავი წერტილი დასვა. წერტილისაგან შეიძლება გამოვიდეს ცუდიც და კარგიც. წერტილი — ეს იმას ნიშნავს, რომ ძლიერ მკაცრად გამოგკითხავენ, და არა მარტო მოცემულ გაკვეთილს, არამედ ბევრად მეტსაც. წერტილი ნიშნავს: გახსოვდეს და ძლიერ ეცადეო!

— ანტონინა ნიკოლაევნა, მე ყველაფერს დავისწავლი, როდესაც გნებავდეთ მკითხეთ! — აღელვებულად უთხრა ბორიამ.

— ეჭვიც არ მეპარება ამაში, — მშვიდად უპასუხა ანტონინა ნიკოლაევნამ.

— ახლა, ბავშვებო, მითხარით, როგორ ეხმარებით თქვენ დედებს?

— ქალთა საერთაშორისო დღეს? — ჰკითხა ანდრიუშამ.

— და ვინ იცის, ქალთა საერთაშორისო დღის გარდა რამდენი დღეა კიდევ წელიწადში?

* * *

სალამოს ბორია იჯდა სავარძელში საწერ მაგიდასთან და ოხვრით ფურცლავდა კალენდარს. დიახ, როგორც არ უნდა იანგარიშო, მხოლოდ ახალწლამდე 298 დღეა. ახალწლის შემდეგ კიდევ 66.

დღეა ოთახიდან გამოვიდა მამის მიერ მოტანილი ვაშლის გასარეცხად. მამა ხმამაღლა აქებდა სადილს, ბებია მას თანდათან უმატებდა საინზე საქმელს, იგი კი გაღიმებული, მოწონებითა და თანაგრძნობით მისჩერებოდა ბორიას.

დღემ, რასაკვირველია, იცოდა, თუ რას ნიშნავდა წერტილი, მამა და ბებია კი ამაში ნაკლებ ერკვეოდნენ.

— გესმის, მამა, ეს იმას ნიშნავს, რომ მუდამ გახსოვდეს და ძლიერ ცდილობდე!

ბორიამ ისევ ამოიოხრა და კალენდარი გადაფურცლა.

— იცი, ბებია, — თქვა მან, შემდეგი რვა მარტისათვის მე წინასწარ შევუდგები დედისათვის საჩუქრის დამზადებას. ასე მოვექცევი: ყოველდღიურად ჩავიწერ ~~რამეს, რამეს~~ კალენდარზე. ასე, მაგალითად, ხვალისათვის კარტოფილის გაფცქვნას, ზეგისათვის ოთახის დაგვას...

— ეგრე სჯობია, — თქვა მამამ, — გრავიკის მიხედვით, უიერიშოდ.

ბებიამ ჰკითხა:

— ღირს კი ჩაწერა? ეგებ პირდაპირ ჰკითხო დედას, რის გაკეთებაა საჭირო?

— ყოველდღე? — ბორიამ სქელ კალენდარს გადახედა. — ყველა სამას სამოცდახუთი დღის განმავლობაში?

— გაისად სამას სამოცდაექვსი დღე იქნება, ნაკიანი წელიწადია — დასძინა მამამ.

— ოჰო! — ბორია ჩაფიქრდა. — რა გაეწყობა, ვსინჯავ!.. კარგი, არ ჩავიწერ, ისე, ჩემთვის კალენდრის ყოველ ფურცელზე წერტილს დავსვამ.

თარგმანი * ვ. ნიშნიანიძისა



ეს სოფელი ცნობილია ლამაზი ტყით, ტყე—ნადირით, აქ ფიჭვნარი მთებს დიდ მხრებზე მოუხურავთ ნაბადივით.

ვხედავ ყუბანს ახლად შობილს, შორით რომ ჩანს ნაკადულად, ზოგან მისი ბროლის ტანი ფიჭვნარებში დაკარგულა.

ვხედავ, აუკრელებიათ მთის კალთები ხეებს ჩრდილით, იაღბუზის ზურგი მოჩანს დიდ სასახლის კედელივით.


დაბლა ლურჯად რომ ბიბინებს, ეს სვანების ყანებია, წარსულ დროში ამ მხარეში პურს არ უღაღანებია.

დღეს აქ სვანთა კოლექტივი, ვხედავ, ყვავის ათასფერად, გული ისე გახალისდა, რომ მზად არის გასაფრენად.

აქ ყუბანი ენგურივით სულ პირველად სვანებს ხედება, მათი შრომით ეს მიდამო კიდევ უფრო დამშვენდება.

ბორის მეგობარი

* ზედვაკე სოფელია ქლუხორის რაიონში, მდინარე ყუბანის სათავეში.



სახლი ჩინეთში

ახალი ცხოვრება მკვიდრდება თავისუფალ ჩინეთში. ქალაქებსა და სოფლებში, ფაბრიკა-ქარხნებსა და მინდვრებში შრომისმოყვარე ჩინელი ხალხის შრომა დღი-დღემდე უფრო ნაყოფიერი ხდება, რაც ზრდის სახელმწიფოს ძლიერებასა და მშრომელთა კეთილდღეობას. შრომაში ჩინელ ხალხს მხნეობას მატებს საბჭოთა ხალხის მიერ ძმურად გაწვდილი ხელი.

აი მდინარე იანცი. მდინარის ტალღებს მოაპობს ავტომატურად დატვირთული ხომალდების ქარავანი. ეს ავტომატურები ქალაქ გორკის მოლოტოვის სახელობის საავტომატო ქარხანაშია დამზადებული. ვოლგისპირეთის ინდუსტრიული გიგანტის მუშები ეხმარებიან ჩინელ თანამოძემებს, რათა მათ აშენონ ახალი ცხოვრება იანცის ნაპირებზე.

იანცი თითქმის მთელ ჩინეთზე მიედინება. მისი სიგრძე 5.200 კილომეტრს უდრის, განი კი ალბა-ალბა 50 კილომეტრს აღწევს. მდინარის ირგვლივ გაშლილია ნოყიერნადავია სინჩუანის პროვინცია, დედამიწაზე ყველაზე მჭიდროდ დასახლებული რაიონი. მისი მოსახლეობა 50 მილიონს აღემატება.

ადამიანზე დიდ შთაბეჭდილებას ახდენს ჩინეთის უძველესი ქალაქების „ხნოვანება“, ნაციონალური ხროთმოდგერების ძეგლები. ქალაქ ნანკინს ორი ათასი წელიწადი შეუსრულდა. XII საუკუნეშია აშენებული ძველი ჩინეთის არქიტექტურის საკვირველება — მხედართმთავრის იუზ-ფიას მავზოლეუმი. საყვარელ მხედართმთავარს მავზოლეუმში აუჯო ხალხმა იმ ბრძოლებისათვის, რომლებსაც დიდი პატრიოტი იუზ-ფია აწარმოებდა სამშობლოს დამოუკიდებლობისათვის. ამ საყვარელი მხედართმთავრის საბრძოლო მოწოდება „დაგვიბრუნეთ ჩვენი მთები და მინდვრები“ დარჩა როგორც მემკვიდრეობითი ლოზუნგი შემდეგი თაობებისათვის. ეს ლოზუნგი აღაფრთოვანებდა სახალხო-განმათავისუფლებელ არმიას უცხოელ დამპყრობელთა წინააღმდეგ ბრძოლებში.

ახალ არქიტექტურულ ძეგლთა შორის საყურადღებოა ჩინეთის 1911 წლის რევოლუციის ბელადის სუნ იატ-სენის მავზოლეუმი. სიცოცხლის უკანასკნელ წლებში სუნ იატ-სენი მისწრაფოდა იქითკენ, რომ ჩინეთსა და საბჭოთა კავშირს შორის დამყარებულიყო მეგობრობა.



ვალს იტაცებს ბრინჯის მინდვრები, ჩაის პლანტაციები. მიწის ყოველი მტკაველი გულმოდგინედ არის დამუშავებული. ბევრჯან კლდოვანი მთებიც არის დანგრეული და გაკეთებულია ხელოვნური ტერასები ბრინჯის აღმოსავენებლად. ასევე ბევრჯან ჩაის პლანტაციებიც ხელოვნურ კლდოვან ტერასებზეა გაშენებული.

ბრინჯსა და ჩაის ბუჩქებთან ერთად ჩინეთის სოფ-

ლის მეურნეობაში ფართოდ არის გავრცელებული ბამბა. ბამბის მოსავლიანობის სიუხვით ჩინეთს მსოფლიოში ერთ-ერთი პირველი ადგილი უკავია. ჩინეთში ფართოდ არის გავრცელებული ბამბუკი. ბამბუკისაგან ჩინელები აკეთებენ კალათებს, ქუდეებს, ავეჯს, აშენებენ სახლებს, ხოლო ტანმსხვილ ბამბუკებს ბევრჯან სოფლებში წყალსადენ მილებად იყენებენ.

თავისუფალი ქვეყნის ახალმა ცხოვრებამ ცხოველმყოფელი შუქი მოჰფინა ჩინეთის სოფლებს. ბევრ რაიონში განხორციელებულია აგრარული რეფორმა, ესე იგი მიწა გადაეცა მათ, ვინც მიწას ამუშავებს. იქ, სადაც ჯერ კიდევ არ არის რეფორმა გატარებული, სადაც მიწა კვლავ მემამულეების ხელშია, საგრძობად შემცირებულია მიწის სარენტო გადასახადი; გაუქმებულია ყველა ვალი, რომელიც გლეხებს ჰქონდათ აღებული მემამულეებისაგან; ჩამოყალიბებულია გლეხთა კავშირები. ამ კავშირების მეოხებით მიწათმოქმედნი სახელმწიფოსაგან დებულობენ თესლს. ამერიკის სადესანტო ხომალდები, რომლებიც ახლო წარსულში გომინდანელების ხელში იყო, ახლა გამოყენებულია ბრინჯის, ბამბის, ხორბლის, ქერის გადასაზიდად.

შეიქმნა თევზჭერის მეურნეობა. მეთევზეები ხომალდების სახეობად დებულობენ სესსს და არ უხდებოთ ხომალდების დაქირავება, მემამულეებისათვის დაქტრილი თევზის დიდი ნაწილის მიცემა.




წრაფი ტემპით ვითარდება თავისუფალი ჩინეთის წარმოება. ნანკოუში, შანხაიში და მთელ ჩინეთში ბევრ საწარმოს ფლობდნენ ინგლისელი, ფრანგი, იაპონელი, ამერიკელი კაპიტალისტები. ახლა არც ერთი უცხოელი მესაკუთრე არ არის ჩინეთში. ქვეყანას პატრონობს ჩინელი ხალხი. გომინდანელებზე გამარჯვების შემდეგ ინდუსტრიული გიგანტები სახელმწიფოს საკუთრებად გადაიქცა.

მუშები მეტი გულმოდგინებით მუშაობენ, შრომის ნაყოფიერებაც დღითი დღე იზრდება. ყველგან ფაბრიკა-ქარხნების ევოლუმი, თვალსაჩინო ადგილზე, გაკრულია კედლის გაზეთები. მუშები ინტერესით ჩერდებიან მათ წინ და ეცნობიან წარმოების ახალ ამბებს, ცვლებისა და მოწინავე ბრიგადების შეჯიბრებათა შედეგებს.



ჩინეთის სახალხო ხელისუფლება დიდ მზარუნველობას უწევს ბავშვებსა და ქალებს. გახსნილია კეთილმოწყობილი საბავშვო ბაღები, საბავშვო ბაგები, სადაც მშრომელი დედები ტოვებენ ბავშვებს სამუშაო დღის დასრულებამდე.



აი ქალაქი შანხაი. ხმაურთან ქუჩებში ჯგუფ-ჯგუფად დადიან ხალხიანი მოსწავლეები და სტუდენტები. მუშების შეიღებისათვის პირველად გაიღო დაწყებითი, საშუალო და უმაღლესი სკოლების კარები. შანხაის 43 უმაღლესი სასწავლო დაწესებულება ამჟამადს ექიმებს, ინჟინრებს, პედაგოგებს...

შანხაის უზარმაზარ იპოდრომზე, სადაც ცოტა ხნის წინათ, კომინდანელების ბატონობის დროს, არისტოკრატია ცხენების ჯირითით ერთობოდა და უბრალო ადამიანებისათვის შესვლა აკრძალული იყო, ახლა, პირველად შანხაის ისტორიაში, მოწყობილია სასოფლო-სამეურნეო გამოფენა. შრომის გამორმა, ყოფილმა მოჯამაგირემ ღიუ იაუ-ჩუნმა, თავისი შრომითი გამოცდილებით მიიღო ზამბის უხვი მოსავალი. ახალგაზრდა კომუნისტი აგრონომები გამოფენის დამთვალეირებლებს აცნობენ ბუნების დიდი გარდამქმნელის მიჩურინის მეცნიერებას, ლისენკოს მეტოღებს.

ბევრი ახალი რამ ხდება მშრომელთა ცხოვრებაში. ბავშვებსა და ახალგაზრდობას გადაეცათ ფეოდალებისა და კაპიტალისტების მდიდრულად მოწყობილი ვილები სი-ხუს ტბის ნაპირებზე. ჩინელ ხალხს ამ ტბის სილამაზის შესახებ მხოლოდ ყური ჰქონდა მოკრული. აქ დასვენება და ტბის მიდამოების სილამაზით დატკბობა ხალხისთვის სომ შეუძლებელი იყო. ახლა აქ მოწყობილია სახელმწიფო პარკი, გახსნილია საბავშვო ბაღები, მუშა და გლეხი ახალგაზრდობისათვის მოწყობილია აგარაკები.

მშრომელთა კეთილდღეობას ემსახურება სუნ იატ-სენის სახელობის პარკი. აქ მშრომელებს შეუძლიათ

გაატარონ დასასვენებელი დღეები, ნახონ მხატვრული თვითმოქმედი წრეების გამოსვლები.

აგერ ესტრადაზე გამოდის ერთ-ერთი საბავშვო ცეკვის ლის ხმაურა ორკესტრი. პაწაწინა მემუსიკენი საინტერესოდ უკრავენ. პატარა დირიჟორი არაჩვეულებრივი სერიოზულობით არხევს ჯოხს და მუსიკალური ნომრის დასრულების შემდეგ სერიოზულად უკრავს თავს ალტაცებულ საზოგადოებას.



ახალბო ზეიმებზე დემონსტრანტებს მათ ძე-დუნის პორტრეტების გვერდით მოაქვთ პორტრეტები ვ. ლენინისა და ი. სტალინისა. წიგნების მალაჩიბისა და კიოსკებში გამოფენილია საბჭოთა მწერლების წიგნები, თარგმნილი ჩინურ ენაზე.

ჩინელი ბავშვები სკოლის პირველ წლებშივე ეცნობიან მშობლიური ქვეყნის დიდი მწერლების სახელებთან ერთად პუშკინს. შანხაიში აღმართულია პუშკინის ძეგლი. მის გარშემო ხშირად იყრიან თავს მოსწავლეები. მასწავლებლები მათ უხსნიან, თუ როგორ გადმოლახა უსასღვრო სივრცე, მთები და მდინარეები და მოვიდა ჩინეთში რუსი გენიოსის მომჯადოებელი, ხალხთა თავისუფლებისა და მეგობრობისაკენ მომწოდებელი შემოქმედება.

ხალხთა თავისუფლებისა და მეგობრობისაკენ მომწოდებელი შემოქმედება უყვარს ჩინელ ხალხს, რადგან თავისი ბრძოლითა და შრომით მალდა უჭირავს მას თავისუფლების, ხალხთა მეგობრობისა და მშვიდობის დროსა.

მ. პალიკაშვილი



ჩინეთის სახალხო რესპუბლიკაში ბევრ საწარმოსთან მოწყობილია საბავშვო ბავა. დედებს შეუძლიათ მშვიდად იმუშაონ დაზვავზე, რადგან იციან, რომ მათ ბავშვებს კარგად მოუვლიან.

სურათში: ძიდა უვლის ბავშვებს ხანკოუს ბამბისსართავი ფაბრიკის საბავშვო ბავაში.

ფოტო მშა სინაოსნი
(საკელის ფოტოკორონიკა)





ზღაპარი გულად ჭაბუკზე და მხვინიარ ასულ ტან-ზუნაზე

კორეული ზღაპარი

იყო და არა იყო რა, იყო ერთი თამამი და გამრჯვე ბიჭი. მას აღრე დაეხოცა დედ-მამა და ერთმა მდიდარმა წაიყვანა თავისთან სამუშაოდ.

ერთხელ ბიჭი შეშაზე გაგზავნეს. შეაგროვა მან ორი გუდურა შეშა და წამოვიდა შინისკენ. გზა მიდიოდა გორაკებზე, ძნელად სავლელი გზა. დაიღალა ბიჭი, ზურგზე შეშამოკიდებული დაჯდა და მიეძინა.

ძილში შემოესმა, რომ ვიღაცა აღვიძებს. გაახილა თვალები და დაინახა მოხუცი გრძნეული.

— შენ, ეი, ყმაწვილო, რას დახეტიალე მემს სამფლობელოში? მაგ საქციელისათვის შენ რა გეკუთვნის — სიკვდილი თუ სიცოცხლე? — შეეკითხა მოხუცი.

— მე სიცოცხლე, ჯერ ახალგაზრდა ვარ და ყველაფერი უკეთესი წინ მაქვს, შენ კი, ბებერო, — სიკვდილი! — უპასუხა ბიჭმა.

გაეცინა მოხუცს.

— მე ვერაფერი მაშინებს, შენი პასუხი კი მომეწონა. უცნაურია ეს ღარიბი ხალხი: რაც უფრო გაჭირვებული არიან, მით უფრო ახარებთ სიცოცხლე, არ გვანან მდიდრებს, რომელნიც სულ წუწუნებენ.

— სწორედ რომ ასეთი არიან მდიდრები, — ასწია მხრები ბიჭმა. — მათ ეშინიათ შრომის, ჩვენ კი შრომას მიჩვეული ვართ და გვინდა ცხოვრება უკეთესი გავხადოთ.

მოხუცს გულში მოეწონა ბიჭის სიტამამე და შეეკითხა მას:

— რა გსურს საჩუქრად შენი ჭკუისათვის? ძალა დევგმობისა, თუ იმდენი ოქრო, რამდენიც შენი ფიხისა?

— შენ თუ არ ხუმრობ, მაშინ მომეცი მხოლოდ ძალა, და ისეთი, რომ შეშა მეჩვენებოდეს ბატის ბუმბულად, დანარჩენზე ნუ შეწუხდები, — თვითონ მოვიპოვებ ცხოვრებისათვის ყველაფერს.

— კარგი, — უპასუხა მოხუცმა, — აიღე შეშა, წადი და უკან არ მოიხედო.

აიღო ბიჭმა შეშა, მოხუცი კი გაქრა. შეშა მეტად გამსუბუქდა, თითქოს ბუმბული ყოფილიყო.

მიდის ბიჭი თავის სოფლისკენ, მიაღმა ღრმასა და ჩქარ მდინარე სიუ-რის მდინარე იკლავებოდა ხეობაში, სადაფის მსგავსად ბრწინავდა. ბიჭი შედგა ტატუნგანის ხილზე, ყველაზე მაღალ და დიდ ხილზე ამ მხარეში. ხილზე იღმა ლამაზი ქალი, აეთრ, თოვლის მსგავს თხელ კაბაში გამოწყობილი, წვრილი თითებით ნაწნაეებს იშლიდა და ლოყებზე ცრემლები ჩამოსდიოდა.

— რა გქვია? — შეეკითხა ბიჭი.

— ცენ-ზუნე.

— რა გატირებს?

— ძველი ჩვევის თანახმად, მოხუცებმა გადაწყვიტეს ცოლად მიმკინ ვეფხეს, მე კი არ მინდა. უკეთესია წყალში გადავვარდე! — და უფრო მეტად ატირდა.


ბიჭმა უთხრა:

— ნუ დაიხრჩობ თავს, მე გამომყევი.

ქალიშვილი გაჰყვა მას.

მივიდნენ სოფელში. მოხუციები ძალიან უკმაყოფილონი იყვნენ ცენ-ზუნეს მოქმედებით.

— რატომ დაბრუნდი? ნუთუ არა გაქვს იმდენი გამბედაობა, რომ მოკვდე მართო, ვიდრე დაგვლუპო ყველა? მხდალო! ჩვენი



სოფლის ყველა ლამაზი ქალი ათასი წელია მიჰყვება ვეფხვს ცოლად. ასეთია კანონი.

წამოიწია ბიჭმა და უთხრა მათ:

— ჩვენ ყოველწლიურად ვადღევთ ვეფხვს ყველაზე ლამაზ ქალიშვილებს. რატომ? ცენ-ზუნეს სიცოცხლე უნდა. ვეფხვის ხახაში სიკვდილი! რა შეიძლება იყოს ამანზე ლაჩრული!

— საზოგადოებისათვის, ყველას კეთილდღეობისათვის სიკვდილი საპატიოა, — ამბობდნენ მოხუცები.

— მაშ, ავიღოთ ისარი, ხმალი და საერთო კეთილდღეობისათვის მოვკლათ ვეფხვი. მაშინ ჩვენი ლამაზი ქალები ცოცხლები დარჩებიან და ცხოვრება კი ბედნიერი გახდება. თუ ვინმე ვეფხვთან ბრძოლაში დაიღუპება, ეს სიკვდილი საპატიო იქნება.

მოხუცები მოიღუშნენ, დაიწყეს თავიანთი თხელი წვერების ქეჩა, ცანცარი, დადუმდნენ, ახალგაზრდა მონადირეები კი აჩოჩქოლდნენ.

შეხედა მათ ბიჭმა და თქვა:

— მე პირველი წავალ!

— შენ ჯერ ახალგაზრდა, თხუთმეტი წლისა ხარ.

— მართალია, თხუთმეტი წლისა ვარ, მაგრამ მეტად მძიმე თხუთმეტი წლის: მე გამოწრათობილი ვარ, ცხოვრებამ ბევრი რამ მასწავლა.

მონადირეებმა და ბიჭმა აიღეს ისრები, მახვილები და გაემართნენ ყველაზე მაღალ გორა პეკ-ტუსანისაკენ. გზაზე მონადირეები ჩამორჩნენ, ბევრი მათგანი შინ დაბრუნდა.



მარტო ბიჭი წავიდა ყველაზე შორს. იბრა, იბრა და მიადგა გორებს.

გორებს შორის ციალებდა ნთი. მზე ლურჯ ცაზე ბრწყინავდა. ნაპირზე იჯდა თავმოტყელებილი ბერიკაცი და თავს აცანცარებდა.

ბიჭი მისკენ გაემართა, რომ ეკითხა, თუ სად ცხობობდა ვეფხვი.

ამ დროს ბიჭმა დაინახა ლამაზი ყვავილი და გაიფიქრა: „აი, მოვწყვეტ ამ ყვავილს და წავუღებ ცენ-ზუნეს“.

ყვავილში ბაჭია იჯდა. ბაჭიამ უთხრა ბიჭს:

— ჩემი დედა შორს წავიდა, მე კი ყვავილის საყარაულოდ დამტოვა. თუ შენ ყვავილს მოწყვეტ, მე მომხვდება. მაშ, იყავ კეთილი, ნუ მოწყვეტ ყვავილს და მე შენ რაღაცას გეტყვი. კარგი?

— კარგი.

— ის კაცი მოხუცი კი არა, ვეფხვია. სიბრაზისაგან თავს აცანცარებს...

ბიჭმა არ დაასრულებინა ბაჭიას საუბარი და მყისვე გამოიწვია ვეფხვი ბრძოლაში.

ბიჭი ვეფხვს შეეხა.

შეკრთა ვეფხვი, დასუსტდა, ითხოია პატიება, მაგრამ ბიჭმა იცოდა, რომ მტრის დანდობა არ შეიძლება, ჩასკა მახვილი და მკვლარი ვეფხვი მიწას განერთხო. ბიჭმა დაწვა იგი და მისი ფირფლი ქარს გაატანა...

ასე გადაარჩინა ბიჭმა თავისი ქვეყანა ვეფხვისაგან.

მიდის ბიჭი შინისკენ. წინ შემოხვდა კურდღელი უცხო ყვავილით.

— სანამ შენ ვეფხვს ებრძოდი, მე გავიზარდე და ახლა ასეთი ყვავილი ბევრი მაქვს, — უთხრა ბიჭს კურდღელმა. — ეს შენ გქონდეს საჩუქრად იმისათვის, რომ მე შემობრალე, აიღე! აჩუქე მშაგნიერ ცენ-ზუნეს, ის ღირსია ასეთი საჩუქრისა.

ბიჭი დაბრუნდა შინ. მთელი სოფელი წინ შეიგება, მიულოცეს გამარჯვება და უთხრეს:

— ყველაზე ლამაზი ქალი ჩვენში ცენ-ზუნეა. შენ გადაარჩინე იგი, მას შენ უყვარხარ, შეირთე ცოლად.

ბიჭმა შესთავაზა საუკუნო ყვავილი ცენ-ზუნეს. ნახად ამღერდნენ ლერწმის სტივრები.


ცენ-ზუნე მივიდა ბიჭთან და უთხრა:

— შენ მაჩუქე თავისუფლების წითელი ყვავილი, მადლობელი ვარ!

ბიჭმა და ცენ-ზუნემ დაიწყეს ბიონიერად ცხოვრება. კორეელი ხალხი დღევანდლამდე უმღერის მათ.



ორთაჭალის ჰიდროელექტრო სადგური



ორთაჭალა თბილისის ერთ-ერთი უღამა-
ზესი კუთხეა. ხეილის ბაღებშია ჩაფლუ-
ლი აქაურობა. საამო სანახავია იგი. წინათ
ძველი თბილისი ასე იყო ბუმბერაზი ხე-
ებით შემოჯარული. სივრცე და სურნელე-
ბა მოჰქონდა ტყეებიდან სიოს. მაგრამ ეს
ბუნებრივი სიმდიდრე და სილამაზე მტერ-
მა გააჩანავა. უმწოდებოდა ტურფა მხარე,
ზურმუხტი საქართველო. ტყეა სინესტეს
მოწყურებულმა მტკვარმა კლება იწყო, ქა-
ლაქში შემოსული თავის კალაპოტს უკვე
ველარ ავსებდა და დაიტოტა. მდინარეში
რამდენიმე კუნძული გაჩნდა. ერთი ასეთი
კუნძული სამასი არაგველის ხიდის ქვემოთ
წარმოიშვა. კუნძული დაჭაობებული იყო.
მიუხედავად ამისა, მას ვარდის კუნძული
დაარქვეს. ვიღაც მდიდარ სომეხს ამ კუნ-
ძულის თავში წისქვილი აუშენებია. იქვე
ორსართულიანი გოთური სტილის სახლიც
დაუდგამს. ავღარში აქ გავლას ყველა
უფროსოდა: ადვილად შეიძლება ჭაობ-
ში ჩავარდნა და შიგ ჩახრჩობა. განსაკუთრე-
ბით საშიში იყო ღამით მგზავრობა, უკუნეთ
სიბნელეში კაცი ვერც გზას ხედავდა და
ვერც ჭაობს. სინათლეს კი თბილისს შამინ
აბა, ვინ აღირსებდა! ხის უბადრუკი სახლები-
დან ნავთის ლამფები ბეუტავდა.

საქართველოში საბჭოთა ხელისუფლების
დამყარებამ თბილისი ძილისაგან გამოაფ-
ხიზლა. ქალაქმა მხარბეჭი შეიბერტყა, ძვე-
ლი ქუჩები ჩამოიცილა და ახალი შენობები-
თა და ბაღებით მოირთო.

თბილისის 1.500 წლის ისტორიაში მრავალი
ღირსშესანიშნავი თარიღია, 1933
წლის 22 სექტემბერი კი განსაკუთრებით
ბრწყინვალეა. ამ დღეს ქართველი ხალხის
საამაყო შვილმა ლ. ბერიამ საქართველოს
კ. პ. (ბ) თბილისის კომიტეტისა და ქალაქის
საბჭოს გაერთიანებულ პლენუმზე თბილი-
სის გარდაქმნის გრანდიოზული გეგმა გადა-
შალა.

მრავალი უბანი შეიცვალა ამის შემდეგ,
მრავალი კუთხე გამწვინიერდა. გაჩნდა ახა-
ლი ქუჩები — ფართო და ღამაზი, აშენდა

მრავალსართულიანი სახლები, ამწვანდა
პარკები, ბაღები, ხეივნები, უჩვეულოდ
გაიზარდა ქალაქის ტრანსპორტი. თბილისს
ეშხი შემატა ახალმა სანაპირომ, შნოიანმა
ხიდებმა. ახლა განათება! ქალაქი ახალ-
წლის ღამეს გაჩირადნებულ ნადვის ხეს
დამესგავსა.

საქართველოს ბოლშევიკების ნაცადი
ხელმძღვანელის ამხ. კ. ჩარკვიანის ხელმძღ-
ვანლობით გასულ წელს დაიწყო ორთაჭა-
ლის კეთილმოწყობა.

აქ შენდება ორთაჭალის ჰიდროელექტრო-
სადგური. ამისათვის საჭირო შეიქნა ვარ-
დის კუნძულის აღება. ჰიდროელექ-
ტროსადგური არა მარტო ელექტრო-
ენერგიით გაამდიდრებს ქალაქს, იგი
აგრეთვე გაალამაზებს მას. ელსადგურის
მთავარი კაშხალი მტკვარს გზას შეუკრავს
და მის დონეს თერთმეტი მეტრით ასწევს.
აქედან აყოლებული ორჯონიკიძის სახელო-
ბის კულტურისა და დასვენების პარკამდე
(ყოფილი მუშტაიდი) მტკვარზე მოეწყობა
ნაოსნობა; მასზე ისრიალებენ მოტორიანი
ნაგები, გლისერები.

... ორჯონიკიძის სახელობის პარკთან ჰა-
ტარა გემში ვსხდებით. მივიღივართ მტკვრის
დინების მიმართულებით. მარჯვენა და
მარცხენა სანაპიროებზე ამრიალებული ჭაღ-
რების ჩრდილში ავტომობილების უწყვეტი
ნაკადი მიედინება. შორიდან დაგვყურებს
მრავალსართულიანი სახლები. ელბაქიძის
ხიდს ქვემოთ მარცხენა სანაპიროზე 125-ბი-
ნიანი ვეებერთელა ღამაზი შენობა ცაში
აზიდულა. გზადაგზა გვხვებიან პატარა გე-
მები. ამათ მგზავრები გადაყავთ, ზოგი კი
საბარგოა... გავიარეთ მეტეხის ღამაზი ხი-
დის ქვეშ. ამის ადგილზე 1951 წლის მაი-
სამდე ძველისძველი უღამათო ხიდი იყო
მტკვარზე გადებული. საღდა არის უბადრუ-
კი მეჩეთი, სეიდ-აბადის მინგრეულ-მონგრე-
ული შუკები და სახლები! აღარც სამასი
არაგველის ხიდი. მის მაგივრად ზედ ჰიდ-
როსადგურის კაშხალზე გადის ფართო და

შნოიანი ბეტონის ხიდი. ნაკუნძულარზე ტურბინები გრიალებენ, გუგუნებენ ელსადგურის მანქანებო, ხმაურობს კაშხალში გამოვარდნილი წყალი...

ასე იქნება უახლოეს წლებში. ახლა ყოფილი ვარდის კუნძულზე გაცხოველებული მუშაობა მიმდინარეობს. მთავარი კაშხალის ასაშენებლად საჭიროა მტკვრის ფსკერზე ღრმა ქვაბულის ამოჭრა. ფსკერი კლდოვანია. მშენებლები პირველხარისხოვანი მანქანა-იარაღების გამოყენებით ამ რთულ საქმეს პირნათლად ასრულებენ. განუწყვეტლივ მუშაობენ მბურღავები, ჭრიალებენ ექსკავატორები, გუგუნებენ ბულოზერები, ისმის აფეთქების ყრუ ხმები — ანგრევენ მტკვრის კლდოვან ფსკერს.

ჰიდროელექტროსადგურის მშენებლობაზე ჩამოსული არიან რესპუბლიკის სხვადასხვა კუთხის მცხოვრებლები. ყოფილი კოლმეურნეები ახლა მოწინავე მშენებლები გახდნენ, მბურღავები, მებეტონეები... ზოგი ექსკავატორს, ბულოზერს და სხვა მრავალი სახის მანქანას მართავს. მშენებლობას ხელმძღვანელობს გამოცდილი ინჟინერი ირაკლი მღებრიშვილი.

სამუშაო მეტად საპასუხისმგებლო და ძნელია. მიუხედავად ამისა, მშენებლები გადაჭარბებით ასრულებენ დღიურ ნორმებს. ჰიდროელექტროსადგურსაც ვადაზე ადრე გადასცემენ საექსპლუატაციოდ. ასე აქვთ გადაწყვეტილი. შესძლებენ კიდევაც.

ირ. გომირიძე



გმირი ეუფლება მეშახტის პროფესიას



ეს იყო ამ ცოტა ხნის წინათ, ტრესტ „ტყვარჩელა ქვანახშირის“ ბერიას სახელობის მეშახტის მერვე უბნის მეშახტეთა რიგებს შეემატა ახალი ადამიანი.

საბჭოთა კავშირის გმირის ოქროს ფარსკვლავით მკერდამშვენებულ ახალმოსულს გარს შემოეხვივნენ მუშები, გაეხარდათ მისი მოსვლა.

მეშახტეებმა იცნეს სამაჟლო ომის სახელგანთქმული მეგრძოლი, რაიხსტაგზე იერიშის მონაწილე, საბჭოთა კავშირის გმირი მელიტონ ვარლამის ძე ქანთარია. იგი აქ მოვიდა ოჩამჩირის რაიონის სოფელ აგუბედის კოლმეურნეობა „გამარჯვებიდან“.

საბჭოთა კავშირის გმირმა, გუშინდელმა კოლმეურნემ, მელიტონ ქანთარიამ მთელი მონდომებით მოჰკიდა ხელი მისთვის ახალი პროფესიის შესწავლას. გამოცდილი მეშახტეების ვასილ ფიტინკოვისა და ტიმოთე კარპენკოს ხელმძღვანელობითა და დახმარებით მელიტონ ქანთარია მოკლე დროში საგრძნობლად დაეუფლა მეშახტის რთულ და საპატიო პროფესიას, წარჩინებით შეისწავლა ხელის ელექტრობურღის „ებრ-5“ ხმარება, შპურების სწორად განლაგება, სანგრევას გაბურღვა, გამომუშავებული სივრცის გამაგრება.

როდესაც მელიტონ ქანთარიას შესახებ ლაპარაკობ, გაგონდება ფურცლები საბჭოთა ხალხის დიდი საპატილო ომის ისტორიიდან.

...1945 წლის 30 აპრილი. ეს დღე შევიდა, როგორც სახელოვანი ფურცელი, საბჭოთა არმიის, მთელი ჩვენი ხალხის ისტორიაში. ამ დღეს ბერლინში, რაიხსტაგის თავზე აფრიალდა გამარჯვების აღისფერი დროშა.

რაიხსტაგის შენობის თავზე გამარჯვების დროშის

აღმართვა წილად ხვდა საბჭოთა კავშირის სახელგანთქმულ მეომრებს — ლენინურ-სტალინური კომპავეშირის აღზრდილთ მიხეილ ალექსის ძე ეგოროვს და მელიტონ ვარლამის ძე ქანთარიას.

მადლიერმა სამშობლომ ღირსეული შეფასება მისცა საბჭოთა მეომრების ვაჟკაცობასა და სიმამაცეს. მიხეილ ეგოროვსა და მელიტონ ქანთარიას მინიჭათ საბჭოთა კავშირის გმირის მაღალი წოდება.

დამთავრდა ომი. ქვეყანა დღესასწაულობდა ჰიტლერულ გერმანიაზე გამარჯვებას. ფრონტელები უბრუნდებოდნენ მშვიდობიან შემოქმედებით შრომას.

დემობილიზებულ მეომართა შორის იყო ყოფილი მწვერავი, საბჭოთა კავშირის გმირი მელიტონ ვარლამის ძე ქანთარიაც. შინ დაბრუნების შემდეგ, 1946 წლის ოქტომბერში, დემობილიზებულ ფრონტულ მეომარს კოლმეურნეობის გამეგობამ მიანდო მემინდვრეობის რგოლის ხელმძღვანელობა. მელიტონ ქანთარიას და მისი რგოლის წევრებს წლითიწლობით მოჰყავდათ სასოფლო-სამეურნეო კულტურების მაღალი მოსავალი.

ახლა სახელოვანი გმირი ღრმად ეუფლება მეშახტის საპატიო პროფესიას.

ამას წინათ ფრონტელი მეგობრები მ. ქანთარია და მ. ეგოროვი ერთმანეთს შეხვდნენ სოხუმში. ამაღლებელი იყო მათი ეს შეხვედრა — მრავალი რამ მოიგონეს, ერთმანეთს უამბეს თავიანთი ომისშემდგომი მშვიდობიანი შრომის შესახებ.

ი. მახათაძე

ანტარქტიდა



ფ. ბალინსკაშვილი



მ. ლაზარიანი

და მისი რუსი

ა ლ მ ო მ ჩ ე ნ ე ბ ი

ანტარქტიდა*) სამხრეთ პოლუსის ირგვლივ მდებარეობს და მუდამ თოვლითა და ყინულით დაფარულ კონტინენტს წარმოადგენს. მისი ფართობი 14,2 მილიონ კვადრატულ კილომეტრს უდრის.

ანტარქტიდის კონტინენტი გარშემორტყმულია წყლის ვეებერთელა სივრცით — წყნარი, ატლანტისა და ინდოეთის ოკეანეებით. ანტარქტიდიდან სამხრეთ ამერიკა დაშორებულია 1350 კილომეტრით, ავსტრალია — 2500 კილომეტრით, აფრიკა—3900 კილომეტრით. ანტარქტიდის კლიმატი მეტად მკაცრია. აქ თითქმის ვანუწყვეტლივ ქრის ცივი ქარი. კონტინენტი მთლიანად უდაბურია, ხოლო მის მახლობელ კუნძულებზე ვითარდება მეცხვარეობა და მეირმეობა. აღმოჩენილია წიაღისეული სიმდიდრე: ქვანახშირი, რკინის მადნის საბადო, ფერადი და იშვიათი ლითონები და სხვ.

ანტარქტიკის წყლები მდიდარია ფრინველებით და ზღვის ცხოველებით: ვეშაპით, სელაპით, პინგვინით და სხვ. ვეშაპთა მსოფლიო მოპოვების ცხრა მეთაფი ანტარქტიკაზე მოდის. ანტარქტიკის წყლების ლურჯი ვეშაპი ხშირად სიგრძით 35 მეტრს აღწევს, წონით კი —150 ტონას. 1946 წლიდან სსრ კავშირის თევზის მრეწველობის სამინისტრომ მოაწყო ვეშაპთსანადირო ფლოტილია „სლავა“, რომელიც ყოველ წელს რეგულარულად ეწევა ვეშაპზე ნადირობას ანტარქტიკის წყლებში.

ანტარქტიდის დიდი პრაქტიკული მნიშვნელობა იმაში მდგომარეობს, რომ მასზე გადის უმოკლესი საჰაერო გზა სამხრეთ ამერიკასა, აფრიკასა და ავსტრალიას შორის. ანტარქტიდის მატერიკზე და მის გარშემო მდებარე კუნძულებზე შესაძლებელია შეიქმნას დიდი საჰაერო და საზღვაო ბაზა.

ბოლოს, ანტარქტიდასა და მის მახლობლად მდებარე კუნძულებს მეცნიერული მნიშვნელობა აქვს — ისინი მოხერხებული ბაზებია მეტეოროლოგიური დაკვირვებისათვის.

აი, ამიტომაც, რომ ამ უკანასკნელ ხანებში იმპერიალისტური სახელმწიფოები, განსაკუთრებით ინგლისი და ამერიკის შეერთებული შტატები, დიდ ინტერესს იჩენენ ანტარქტიკის მიმართ, რათა გაინაწილონ ეს მეტად მნიშვნელოვანი მხარე.

ვინ აღმოაჩინა ანტარქტიდა?

XVIII საუკუნის 70-იან წლებამდე სწავლულთა შორის გავრცელებული იყო აზრი, თითქოს სამხრეთ პოლუსის ირგვლივ მდებარეობდა უზარმაზარი „სამხრეთის მიწა“, ზომიერი ჰავით, მდიდარი მცენარეულობითა და მოსახლეობით.

ამავე საუკუნის 1772-1775 წლებში სამხრეთ პოლარულ ზღვებში იმოგზაურა ინგლისელმა ჯემს კუკმა იმ მიზნით, რომ გამოეცვია „სამხრეთის მიწა“. მან მოიპოვა წყლის მთელი არე სამხრეთ პოლარული წრის გაყოფებით, აღმოაჩინა სამხრეთ გეორგიის კუნძული და სანდვიჩის მიწა, მაგრამ სასურველი „სამხრეთის მიწა“ კი ვერ აღმოაჩინა. მოგზაურობისას ჯემს კუკის ექსპედიციას გზა რამდენიმეჯერ გადაულბოდა აისბერ-

*) ანტარქტიდა ეწოდება სამხრეთ პოლუსის ირგვლივ მდებარე კონტინენტს; ანტარქტიკა შეიცავს ანტარქტიდასა და მის მოსაზღვრე სამი — წყნარი, ატლანტისა და ინდოეთის — ოკეანის ნაწილს და იქ მდებარე კუნძულებს.

გებმა (მცურავმა ყინულის მთებმა). ბოლოს ჯერ კუ-
კი იმ დასკვნამდე მივიდა, რომ სამხრეთ პოლარული
წრის იქით არავითარი მიწა არ არსებობს, სამხრეთ
პოლუსის მიმართულებით გადაჭიმულია ყინულთა
გაუფალი არე, რომელიც არასოდეს არ იქნება გამო-
კვეთილი.

დასავლეთ ევროპის ყველა გეოგრაფმა და მეზღვა-
ურმა, ჯერ კუკის ავტორიტეტზე დაყრდნობით, ერთ-
ხელ და სამუდამოდ დაგმო ჰიპოთეზა სამხრეთის უხი-
ლავი მიწის არსებობის შესახებ. ჯერ კუკის მოგზა-
ურობის შემდეგ 45 წლის განმავლობაში თითქმის და-
ვიწყებას მიეცა ანტარქტიდის გამოკვლევა.

ანტარქტიდის მატერიკის აღმოჩენის ისტორია უშუ-
ალოდ დაკავშირებულია რუს მეზღვაურებთან.

1819 წლის 16 ივლისს* კრონშტადტიდან გამოვიდა
ექსპედიცია — ორი ხომალდი, რომლის მეთაურები
იყვნენ მეორე რანგის კაპიტანი თადეოზ ბელინსკაუ-
შენი (ექსპედიციის უფროსი) და ლეიტენანტი მიხეილ
ლაზარევი (შემდეგ ორივე ადმირალები).


კრონშტადტიდან გამოსვლის 5 თვის შემდეგ ბე-
ლინსკაუშენის ექსპედიციამ მიაღწია სამხრეთ გეორ-

გიის კუნძულს. სამხრეთიდან კუნძულის შემოვლით
ხომალდმა მიმართულება აიღო სანდიჩის მიწისაკენ.
ამ მიწის შესწავლისას აღმოჩნდა, რომ უკიდურეს
და რამდენიმე კუნძულისაგან და არა ერთი კუნძული
საგან, როგორც ეს ჯერ კუკმა აღწერა 1775 წელს.
ყველა ახლად აღმოჩენილი კუნძული რუსული სახელ-
წოდებით გადაიტანეს რუკაზე, ხოლო სანდიჩის მი-
წის კუნძულების მთელ ჯგუფს სამხრეთ სანდიჩის
კუნძულები უწოდეს.

სამხრეთ სანდიჩის კუნძულების შესწავლის შემ-
დეგ ექსპედიციამ გეი სამხრეთისაკენ აიღო, გადაკვე-
თა სამხრეთ პოლარული წრე. ძლიერი სიცივე და ქა-
რი საშიშროებას უქმნიდა იალქნიან ხომალდებს, მაგ-
რამ გულადი რუსი მეზღვაურები ყოველგვარი სიძ-
ნელის გადალახვით მიიწვედნენ წინ — სამხრეთისა-
კენ. მოგზაურობის დროს მეცნიერულ დაკვირვებასაც
აწარმოებდნენ.

1820 წლის 28 იანვარს სამხრეთ განედის 69° 21'
ექსპედიცია იმყოფებოდა ანტარქტიდის კონტინენტი-
დან 20-30 კილომეტრის დაშორებით, მაგრამ ძლიერი
ნისლისა და ქარიშხლის გამო კონტინენტი შეუმჩნევე-
ლი დარჩა (ასი წლის შემდეგ ამ ადგილას მივიდა
ნორვეგიის ექსპედიცია და მას „პრინცესა მარტის მი-
წები“ უწოდა). მ თებერვალს რუსეთის ექსპედიცია

*) წერილში თარიღები ყველგან ახალი სტილითაა
ნაჩვენები.



ხელახლა მიუახლოვდა კონტინენტს სამხრეთ განედის 69° 25'. ჰაერში ფრინველების გამოჩენით ბელინს-საუზენმა იგრძნო, რომ ექსპედიცია ახლოს იყო კონტინენტთან, მაგრამ მკაცრი კლიმატისა და ყინულთა გორების გამო ნაპირზე მიდგომა შეუძლებელი გახდა, და გზა განაგრძეს აღმოსავლეთისაკენ.

1820 წლის ზაფხული (სამხრეთით ამ დროს ზამთარია) ექსპედიციამ დაჰყო პოლარული წყლების უფრო დაბალ განედებში, სადაც აწარმოებდნენ ახალი მიწების აღმოჩენებს და მეცნიერულ დაკვირვებებს. შემოდგომაზე ექსპედიციამ ხელახლა აიღო გეიო სამხრეთისაკენ. 1821 წლის 22 იანვარს სამხრეთ განედის 68° 57' და დასავლეთ გრძედის 90° 46' აღმოაჩინეს კუნძული, რომელსაც უწოდეს პეტრე I სახელი. ახალი მიწის აღმოჩენით გამხნეებულმა რუსმა მეზღვაურებმა გაორკეცებული ენერგიით განაგრძეს გზა. ერთი კვირის მოგზაურობის შემდეგ, 1821 წლის 29 იანვარს, მათ დაინახეს ახალი მიწის ნაპირები. საბედნიეროდ, ამ დღეს ნათელი დღე იყო, რაც იშვიათი მოვლენაა ამ განედისათვის. ბელინსსაუზენი თავის დღიურში წერს: „დღის 11 საათზე ჩვენ დავინახეთ ნაპირი, რომლის კონცხი მიიმართებოდა ჩრდილოეთისაკენ და შთავრდებოდა მაღალი მთით, რომელიც სხვა მთებისაგან გამოყოფილი იყო ყელით“. აღმოჩენილ მიწას რუსმა მეზღვაურებმა ალექსანდრე პირველის ნაპირი უწოდეს. იგი ანტარქტიდის კონტინენტის განუყოფელ ნაწილს წარმოადგენს. მისი მაღალი მთების მდებარეობა მეზღვაურებმა სამხრეთ განედის 60° 45' და აღმოსავლეთ გრძედის 78° 31'-ით განსაზღვრეს.

ასე აღმოაჩინეს რუსმა მეზღვაურებმა 180 წლის წინათ, 1821 წლის 29 იანვარს, ანტარქტიდის მატერიკი, რომლის არსებობის შესახებ მანამდე არაფერი იცოდა მეცნიერებამ.

ალექსანდრე პირველის ნაპირიდან რუსეთის ექსპედიციამ აღმოსავლეთისაკენ განაგრძო მოგზაურობა. და მთლიანად დაამთავრა ანტარქტიდის შემოვლა. მოგზაურობისას მათ 28 კუნძულზე მეტი აღმოაჩინეს. ესენია: ლესკოვის, მიხაილოვის, ბოროდინის, დემიდოვის, პეტრე პირველის, ალექსანდრე პირველის მიწა, ბელინსსაუზენის ზღვა და სხვა.

1821 წლის 6 აგვისტოს რუსი მეზღვაურები ბრწყინვალედ გამარჯვებულნი დაბრუნდნენ კრონ-შტადტში. მათ 751 დღე მოანდომეს მოგზაურობას და 80 ათას კილომეტრზე მეტი მანძილი გაიარეს.

ბ. ჩანბაშვილი



ოქროს ვარსკვლავი

მახსოვს, ჩაის ბუჩქი გწვდებოდა ყელამდი, წინ კი გამარჯვების ღრმა რწმენად გიძლოდა სიზმარში ნახული კრემლი და ბელადი, ბელადი, რომელმაც შენ გიბირი გიწოდა.

ბელადზე ოცნებას აყვავდი თვით ცამდე და მარტო ფიქრებში არ ქროდა დრო მაშინ: შენ სწავლა-გარჯაში იხარე, იხარდე და ფრთები გაშალე სტალინურ შრომაში.

გსურდა, შენს ღირსებას კრემლშიც მიეღწია, — შენ ხომ ხალხს ალუთქვი ასეთი პირობა, — და მალე ქალიშვილს ღიმილით გეწვია ნასიზმრი კი არა, ნამღვლი გვირობა.

ასრულდა ოცნება, და ოქროს ვარსკვლავი შენს მკერდზე მგზნებარე გულთან აელვარდა. მას იცავ და უფლი საკუთარ თავივით, იგი ხომ კრემლიდან მოგიძღვნა ბელადმა!

გივი ბარამიძე

კვლავ სკოლას უბრუნდებიან


აწ შემოდგომა გვიღიმიის, ზვარში მტენენები ტუბებიან, მალხაზი გოგო-ბიჭები კვლავ სკოლას უბრუნდებიან.

შემოიარეს მთა-ბარი, გაეცვენ სოფლებს, ქალაქებს, სახელმძღვანელო წიგნებიც წინასწარ მოიმარაგეს.

და გულმა განა გაუძლოთ? ბევრს უკვე გაღუფურცლია. მათ შესახვედრად საამოდ სკოლასაც ფერი უცვლია.

აწ შემოდგომა გვიღიმიის, ზღვარში მტენენები ტუბებიან, მალხაზი გოგო-ბიჭები კვლავ სკოლას უბრუნდებიან.

ვიკო უთალიშვილი



„ბურეგბთან“ — ამ სათაურით გამოვიდა ცალკე წიგნად ნიკო ბაგრატიონის (1868-1933 წ.) მოგონებანი. ნ. ბაგრატიონი სამხრეთ აფრიკის ჯუნგლებში მამაცურად ეხმარებოდა ბურებს ინგლისელ კოლონიზატორთა წინააღმდეგ. მოგონებანი საინტერესოა იმ მხრივ, რომ ბაგრატიონი აღწერს ინგლის-ბურების საომარ მოქმედებათა მსვლელობას, გვაცნობს ბურების გამოჩენილ ხელმძღვანელებს და სარდლებს, აღწერს ინგლისელ დამპყრობთა საქმიანობას და თუ როგორ ახშობდნენ ისინი სისხლში თავისუფლებისმოყვარე ბურების რესპუბლიკას.

ბრძოლების დროს ნ. ბაგრატიონი ინგლისელებმა ჩაიგდეს ტყვედ და წმინდა ელენეს კუნძულზე გააგზავნეს. ეს უკანასკნელი პატარა კუნძულია ატლანტის ოკეანის ცენტრალურ ნაწილში, მისი ფართობი 200 კვადრატულ კილომეტრს უდრის, სადაც ნაპოვნი იყო ტყვედ 1815 წლიდან ვიდრე არ გარდაიცვალა (1821 წ.). ნ. ბაგრატიონი აღწერს კუნძულის ბუნებას, იქაურ ცხოვრებას და სხვ.

ვის არიან ბურები და საიდან მოხვდნენ აფრიკაში? მეჩვიდმეტე საუკუნიდან სამხრეთ აფრიკაში დიდი

რაოდენობით სახლდებიან უმიწაწყლო ჰოლანდიელი გლეხები. ჰოლანდიურ ენაზე „ბური“ გლეხს მეთქვამის მუშას ნიშნავს და სწორედ აქედან წარმოდგენილია სახელწოდება. მათთან ერთად დიდი რაოდენობით მოდიან ფრანგები (ჰუგენოტები), გერმანელები. ბურები ჯერ აფრიკის უკიდურეს სამხრეთ ნაწილში დასახლდნენ, რომელიც კაპის კოლონიის სახელწოდებით იყო ცნობილი.

მალე ინგლისელებმა კაპის კოლონიის ტერიტორია წაართვეს ბურებს, რადგანაც კოლონიის უდიდესი მნიშვნელობა ჰქონდა ინგლისელებისათვის, როგორც საშუალოდ პუნქტს ევროპა-ინდოეთის საზღვაო გზაზე (აფრიკის შემოვლით). ბურებმა უფრო ჩრდილოეთით გადაინაცვლეს და დააარსეს ორი რესპუბლიკა: ტრანსვაალი და ორანჟი.

ინგლისმა იცნო ამ ორი რესპუბლიკის დამოუკიდებლობა, მაგრამ მალე ორანჟის რესპუბლიკის ტერიტორიაზე აღმოჩენილ იქნა ალმასის უმიდრეხი საბადოები, ხოლო ტრანსვაალში კი ოქროს უდიდესი საბადოები.


ინგლისელები შეეცადნენ ხელთ ჩაეგდოთ ალმასისა და ოქროს საბადოები და ბურების რესპუბლიკები ინგლისის კოლონიებად გადაექციათ.

1899 წლის 11 ოქტომბერს დაიწყო ინგლის-ბურების ომი, რომელიც შედარებით ვრცლად და საინტერესოდ აქვს აღწერილი ნ. ბაგრატიონს, როგორც ბრძოლების უშუალო მონაწილეს. 1902 წლის 31 მაისს ბურებმა ხელი მოაწერეს ზავზე, რომლის თანახმად ტრანსვაალისა და ორანჟის რესპუბლიკებმა დაკარგეს დამოუკიდებლობა და ისინი ნატალისა და კაპის კოლონიებთან ერთად შევიდნენ სამხრეთ-აფრიკის კავშირის დომინიონში 1910 წელს.

პოლიტიკური დამოუკიდებლობისადმი მისწრაფებამ ბურებში კვლავ იჩინა თავი პირველი მსოფლიო ომის დროს — 1914 წლის დამლევს ბურები კვლავ აჯანყდნენ, მაგრამ უშედეგოდ.

ნიკო ბაგრატიონის წიგნი „ბურებთან“, რომელიც გამოსცა „საბჭოთა მწერალმა“, საინტერესოაა დაწერილი და კარგად იკითხება.

8. ზარდალიშვილი



პალრაკის ცხენის სვლით

ცხენის სვლით წაიკითხეთ აღნიშნულ უჯრედებში მოთავსებული მარცვლები ისე, რომ მიიღოთ ჩვენი 5 თვალსაჩინო მწერლის, სტალინური პრემიის ლაურეატების სახელი და გვარი.

ისრით ნაჩვენებია საწყისი უჯრედი.

შეადგინა რ. თავდილიშვილმა

ში	ა	იმ	ორ	ონ	დი
ჭე	ბა	შან	ვი	ვი	გი
დრე	ამ	დექ	დე	გი	ი
ში	რე	ა	დი	მო	დი
გოდ	სან	ექს	ი	ბე	ვი
ანდ	ბე	გრი	სამ	აღ	დი

ნუცას ჰქონდა ძმაზე მეტი
 სულ ხუთმეტი მანეთი.
 (არეინ იცის, რას უდრიდა
 მათი ფულის ნაერთი).
 ძმამ იყიდა ას მანეთად,
 რაც უნდოდა, წიგნები,
 დამ ას ათად — საკაბე და
 ერთი წყვილი წინდები.
 ცხრა მანეთი ნაშთი დედას
 მისცეს, არ დაუმალეს.
 ვის რამდენი ფული დარჩა,
 ვინ ამოხსნის უმაღვე?

დ. ქეძაშიძე



№ 7-ში მოთავსებული კროსვორდის პასუხები

ვერტიკალურად: 1) მარსი; 2) „პიონერი“;
 3) ბელგია; 4) ბილბაო; 5) არაგვი; 6) გალი-
 ლეი; 7) მირაჟი; 8) ნავთი; 9) ზზა; 10) მზე;
 11) კაკაო; 12) „ავრორა“; 13) ცირკონი;
 14) ისინდი; 15) ირტიში; 16) კომეტა;
 17) კალორია; 18) ირემი.

ჰორიზონტალურად: 1) მაიორი; 5) ანაპა;
 19) ზამთარი; 20) მესტია; 21) საპარა;
 22) ბავარია; 23) შირაჟი; 24) ურანი; 25) ჩაი;
 26) კიო; 27) კორეა; 28) იპრიტი; 29) ტელ-
 მანი; 30) თაზისი; 31) ლაგამი; 32) ტიბეტი;
 33) ფარაონი; 34) ისანი.

გადაწყვეტა

ძროხას უნდა მოვებათ ორი თოკი:
 თითოეული მათგანის სიგრძე უნდა უდრიდეს
 საძვრის რადიუსის სიგრძეს. ერთი თოკის
 ბოლო უნდა დავამაგროთ წრის ცენტრში,
 ხოლო მეორე თოკის ბოლოს მივამაგროთ
 რგოლი, რომელიც იმოდრავებს გაჭიმულ
 თოკზე (იხილე ნახაზი).



განყოფილებას ხელმძღვანელობს ოსტატობის კანდიდატი

თენგიზ გიორგაძე

ღებულის ძირითადი პროცესები

საჭადრაკო პარტია დაყოფილია სამ ნაწილად: დებოუტი (დასაწყისი), მიტელშპილი (შუა თამაში) და ენდშპილი (თამაშის ბოლო). თითოეულ ნაწილს თავისი თეორია აქვს.

განსაკუთრებული მნიშვნელობა აქვს დებოუტის სწორ გათამაშებას. დებოუტი ჰქვია იმ ნაწილს, რომელიც მოიცავს დასაწყისის 8-10 სვლას. დებოუტში მიღებული უპირატესობა ზშირად საკმარისი ხდება გამარჯვების მიღწევისათვის. ამიტომ დებოუტის ცოდნა აუცილებელია. რომელი დებოუტია ყველაზე კარგი? კარგი და ცუდი დებოუტი საჭადრაკო პარტიაში არ არსებობს. ყველა დებოუტი კარგია, თუ მას გაითამაშებთ არსებული სადებოუტო პრინციპების შესაბამისად. როგორია ეს პრინციპები?

1. საჭიროა პირველი სვლებიდანვე სწრაფად გამოიყენოთ ფიგურები და დააყენოთ ისინი ისეთ უჯრედებზე, სადაც მათ ექნებათ მოქმედების დიდი უნარიანობა. ასეთი ადგილი დაფის ცენტრია d4, d5 e4, e5 ან ცენტრის ახლო მდებარე უჯრები. თამაში ძირითადად ცენტრში ვითარდება. დებოუტის მთავარი მოტივია ცენტრისათვის ბრძოლა. ხელსაყრელია ცენტრალური უჯრედების პაიკებით დაკავება.

2. თერშის დაწყებამდე საჭიროა ფიგურების მობილიზაციის დამთავრება. პრაქტიკაში ცხადყო, რომ უმჯობესია ჯერ მსუბუქი ფიგურების (კუ, მხედარი) გამოყვანა, ხოლო შემდეგ მძიმე (ლაზიერი, ეტლი) ფიგურებისა.

3. დებოუტი (და საერთოდ მთელი პარტია) უნდა გათამაშდეს წინასწარ მოფიქრებული გეგმით. გეგმის მტკიცედ განხორციელებაზე დამოკიდებულია პარტიის ბედიც. აი, ეს პრინციპებია გატარებული ყველა ცნობილ სადებოუტო სისტემაში.

დებოუტის ამა თუ იმ სისტემის შესწავლისას აუცილებლად უნდა ჩასწვდეთ მის შინაარსს, მთავარი იდეას. მხოლოდ ამის შემდეგ შეგიძლიათ მისი თამაში. ერიდეთ ვარიანტების მექანიკურ დაზებირებას. დაიმასსოვრეთ მხოლოდ ის ვარიანტები, რომელთა ცოდნა აუცილებელია.

კომპოზიცია

საჭადრაკო კომპოზიცია, ანუ ამოცანებისა და ეტიუდების შედგენა და გადაწყვეტა, საჭადრაკო ხელოვნების ერთ-ერთი საინტერესო დარგია. ამოცანების და, განსაკუთრებით, ეტიუდების სწორად გადაწყვეტა, საკომპოზიციო იდეების გაცნობა დიდად ეხმარება პრაქტიკოს მოჭადრაკეს თამაშის კლასის ამაღლებაში. აქ მოჭადრაკე ეჩვევა კონკრეტულად დასმულ კითხვებზე პასუხის გაცემას, ანალიზის წარმოებას და შემოქმედებით აზროვნებას.

რამდენი კვერცხის დადება შეუძლია ქათამს?

ფრინველები კვერცხით მრავლდებიან, მაგრამ არც ერთი ფრინველი იმდენ კვერცხს არ დებს, რამდენსაც ქათამი.

საბჭოთა კავშირში ქათმის მრავალი ჯიშია მოშენებული. ბევრი ჯიშის თითო ქათამი წელიწადში 200-დან 300-მდე და ზოგი მეტ კვერცხს დებს, ესე იგი, თავის წინაპარ გარეულ ქათამზე 30-ჯერ მეტს, თავის წინაზე კი 8-10-ჯერ მეტს.

სულ თავისი სიცოცხლის მანძილზე რამდენი კვერცხის დადება შეუძლია ქათამს?

ამ კითხვით არა ერთხელ დაინტერესებულან მეცნიერები და მეფრინველეობის საქმის ოსტატები.

ამჟამად უკვე დამტკიცებულია, რომ, მაგალითად, იხვი 4 წელიწადს ინარჩუნებს გამრავლების უნარს, ინდაური — 5 წელიწადს, ქათამი — 6 წელიწადს, ხოლო ბატი — 8 წელიწადს.

თითოეულ ქათამს სხეულში კვერცხის 600-დან 4000-მდე ჩანასახი აქვს. მაგრამ ეს იმას არ ნიშნავს, თითქმის იგი თავისი სიცოცხლის მანძილზე უეჭველად ათასობით კვერცხს დადებს.

ქათმის კვერცხმდებლობა დამოკიდებულია არა მარტო მის კერძო თვისებებზე, არამედ იმ პირობებზეც, რომელშიც ის ცხოვრობს, ესე იგი კვებაზე, სიბოძეზე, ბინაზე და სხვ.

ცუდად მოვლილმა ქათამმა შეიძლება კვერცხი სულ არ დადოს ან უმნიშვნელო რაოდენობით დადოს, ხშირად იყოს მომცდარი ან უნაყოფო, განუვითარებელი დარჩეს კვერცხის ჩანასახის უმეტესი ნაწილი.

ამიტომ მეფრინველის ამოცანაა შექმნას ისეთი პირობები, რომ ქათამი თითქმის ყოველდღე დებდეს კვერცხს, იყოლიოს იგი ყოველთვის საუკეთესოდ მოვლილი, დიდხანს შეუნარჩუნოს კვერცხის დებისა და გამრავლების უნარი. ეს იმას ნიშნავს, რომ ფერმებსა და საკუთარ მეურნეობაშიც დავიკეთო მეცნიერებისა და სტახანოველების მიერ დადგენილი წესები, საბჭოთა მოწინავე მეფრინველეობის მიღწევები.

კარგად მოვლილ ქათამს დიდი სარგებლობის მოტანა შეუძლია კვერცხით, ხორციით, ბუმბულით.

ავრონომი ბრ. თოდრაძე

შ ი ნ ა ა რ ს ი

რ. ქორქია — სურათი (მოთხრობა)	83	1	ცენ-ზუნეზე (კორეული ზღაპარი, თარგმანი	83
უკანასკნელი დღეები ბანაკში (წერილი)	4		პ. კავკასიისა)	23
მ. კარაიანი — დედის თვალი (ლექსი, თარგმანი			ი. გოცირიძე — ორთაჭალის ჰიდროელექტრო-	25
ი. ბურჭულაძისა)	5		სადგური (ნარკვევი)	
ლ. მრეღაშვილი — მოდავენი (მოთხრობა)	6		გ. ჩანგაშვილი — ანტარქტიდა და მისი რუსი	27
მ. გორგოძე — საბჭოთა ახალგაზრდობის დიდი			აღმოჩენები (წერილი)	
მოამბე (წერილი)	10		გ. ბარამიძე — ოქროს ვარსკვლავი (ლექსი)	29
კ. გოგიაშვილი — პარტიზანის ნამუბობი			ფ. უთალიშვილი — კვლავ სკოლას უბრუნდებიან	29
(მოთხრობა)	11		გ. ზარდალიშვილი — „ბურებთან“ (წერილი)	30
მ. სურგულაძე — პატარა მეაბრეშუმეები			გასართობი, ჭადრაკი	31
(ლექსი)	14		გ. კაჭახიძე — მადლობელი ვართ ზაფხულის	
ლ. ვარდოსანიძე — ნაზიმ ჰიქმეთი (წერილი)	15		(ლექსი) გარეკანის	მე-2 გვ.
ი. სიხარულიძე — ჩაი (ლექსი)	16		ჩენი კალენდარი	მე-3 „
ნ. არტიუხვი — წერტილი (მოთხრობა, თარგმანი			გარეკანის პირველი გვერდის მხატვრობა შესრუ-	
ფ. ნიშნაიძისა)	17		ლებულია მხატვრების გლებ დიკისა და გ. ფოცნი-	
ბ. მეტრეველი — ზედღავე (ლექსი)	20		შვილის მიერ; გარეკანის მეოთხე გვერდზეა ფოტო-	
მ. შალიკაშვილი — ახალ ჩინეთში (წერილი)	21		ეტრული ვ. ჩერკასოვისა.	
ზღაპარი გულად ქაბუკზე და მშვენიერ ასულ				

რედაქტორი ბ. კ ა მ ა ხ ი ძ ე. სარედაქციო კოლეგია: ე. აბლაძე, ლ. გვრიტიშვილი, მ. მარ-
დიანიშვილი, ბ. თავაზიშვილი, მარიჯანი, მ. მირიანაშვილი, ო. ნემსაძე, ზ. შანგიანი.
პასუხისმგებელი მდივანი მ. თოდრაძე. სამსახურის რედაქტორი ბ. ფოცნიშვილი.

რედაქციის მისამართი: თბილისი, ლენინის ქ. № 14, ტელ. 3-81-85

შე 04317 ტირაჟი 15.000 გამომცემლობის შეჯ. № 357 სტამბის შეჯ. № 964

ლ. პ. ბერიას სახელობის პოლიგრაფკომბინატი „კომუნისტი“, ლენინის ქ. № 14
ყურნალის გარეკანი დაბეჭდილია „ზარია ვოსტოკას“ ოსეტ-მანქანზე.

ჩვენი კალენდარი



სოფრ. მგალობლიშვილი

მეცხრამეტე საუკუნის ქართველ მწერალთა შორის სოფრომ მგალობლიშვილს მნიშვნელოვანი ადგილი უკავია. იგი ქართველ ხალხსან მწერალთა ერთ-ერთი თვალსაჩინო წარმომადგენელია. ნიკო ლომოურის, ეკ. გაბაშვილისა და სხვა ხალხსან მწერალთა მსგავსად სოფრომ მგალობლიშვილი თავის ნაწარმოებებში გვიხატავს გასული საუკუნის მეორე ნახევრის საქართველოს გლეხობის დუხპირ ცხოვრებას. მამასახლისი და თავადი, მღვდელი და მეცხვლე, მოხელე, მკითხვეი და იმდროინდელი სოფლის სხვა პარაზიტები სიხლს სწოედნენ მშრომელ გლეხს, ცხოვრებას უმწარებდნენ, ჩაგრაგდნენ და აბეჩავებდნენ მას. არა-ადამიანური, პირუტყვული შრომის მიუხედავად წელში ვეღარ იმართებოდა გლეხი, გაკირვებიდან ვეღარ გამოდიოდა, კუჭს ვერ იძღვდა და ვერ იმოსებოდა. ამის მიზეზი კი მაშინდელი სოციალური უკუღმართობა, წოდებრივი უთანასწორობა და უსამართლობა იყო.

სწორედ ამ უსამართლობას აუჯანყდნენ გლეხები, რაც დახატულია მოთხრობა „ჯორ-ჯაქარაში“. სოფრომ მგალობლიშვილის ნაწარმოებთა შორის ყველაზე თვალსაჩინოა მოთხრობა „ჯორ-ჯაქარა“. უსამართლობით, ჩაგვრა-მონობით განაწამები სოფელი ტორტლა აღდგება თავად მარტუშაძის თავაშეხებულიობის წინააღმდეგ. აჯანყე-

ბული გლეხობა, რომელსაც სათავეში ჯაქარა გვიღებდა, უღვას, კლავს თავადის მოურავს სოსიკას. გლეხობა დგება ტერორის გზაზე, სიცოცხლეს უმწარებს სისხლისმწოველ თავად მარტუშაძეს. სოფელი ტორტლა რევოლუციის ქარცეცხლითაა გარემოცული. თავადი იშველიებს ჩაჩნების რაზმს. გლეხობა მაინც აღწევს დროებით თავისუფლებას, თავადს ეურჩება და არ უხდის დაღას. მწვავედმა კლასთა ბრძოლა. აჯანყების ჩასაქრობად თავადი ახლა უაზახების რაზმს გამოიწვევს ქალაქიდან. სოფელი მაინც არ ურის იარაღს. რევოლუციურ მოძრაობაში ებმება სოფლის მშრომელი გლეხობა — კაცი და ქალი. მაგრამ ბოლოს მაინც ძალას აღმართი ახენვენა თავადმა მარტუშაძემ. კვლავ იწყება ტორტლას გლეხობის აწიოკება. თავადი სასტიკად იძიებს შურს აჯანყებულებზე.

ს. მგალობლიშვილი უსამართლობით დაჩაგრული სოფლის სიღუბნის შესანიშნავი მხატვარია, მაგრამ როგორც ყველა ხალხსანმა მწერალმა, მანაც ვერ შეძლო ეჩვენებინა სწორი გზა ხალხისათვის ამ უსამართლობიდან თავის დასაღწევად. მას მთავარ ძალად გლეხობა მიაჩნდა და უგულვებელყოფდა პროლეტარიატის როლს რევოლუციურ ბრძოლაში.

როგორია მწერლის ცხოვრების გზა? იგი დაიბადა 1851 წელს ქართლში, დირბელი მღვდლის ჯაქარის ოჯახში; სწავლობდა ჯერ გორის სასულიერო სასწავლებელში, შემდეგ თბილისის სასულიერო სემინარიაში. სემინარია რომ დაამთავრა, 1893 წლამდე მასწავლებლობდა გორის სასულიერო სასწავლებელში, შემდეგ მსახურობდა ჯერ ფოიის ეპარქიის, ხოლო შემდეგ თბილისის ეგზარხის კანცელარიაში. სამწერლო ასპარეზზე გამოვიდა გასული საუკუნის მე-70 წლებში. თანამშრომლობდა თითქმის ყველა ქართულ პერიოდულ გამოცემაში.

1 აგვისტოს შესრულდა მწერლის დაბადებიდან 100 წელი.

ქვანახშირი ისეთია მრეწველობისათვის, როგორც პური ადამიანისათვის. საბჭოთა მთავრობის მიერ მეშახტეთა დღის დაწესება ნათელი გამოხატულებაა სახალხო მეურნეობის ამ დარგის უდიდესი მნიშვნელობისა და იმ მხარუნველობისა, რასაც პარტია და ხელისუფლება, პირადად დიდი სტალინი უწევენ ჩვენს გმირ, მამაც მეშახტეებს, მრეწველობის პურის — ქვანახშირის — მომპოვებლებს.

ჩვენმა მეშახტეებმა წარმატებით შესრულეს მეოთხე სტალინური ზეშენების გეგმა. ამას, ადამიანთა მამაცურ შრომასთან ერთად, ხელი შეუწყო შახტებში დამკვიდრებულმა მალაღმა საწარმოო ტექნიკამ, მექანიზაციამ. არსად, არც ერთ ბურჟუაზიულ ქვეყანაში ისე არ არის შემსუბუქებული ადამიანის შრომა შახტებში, როგორც საბჭოთა ქვეყანაში.

მთელს ჩვენს დიდ სამშობლოშია ცნობილი მაღალხარისხოვანი ქართული ქვანახშირი. ტუბულისა და ტყვარჩელის მაღაროები წლითიწლობით ამაღლებენ ქვანახშირის მოპოვების დონეს.

საბჭოთა კავშირის მრავალ ასულ მეშახტეს მინიჭებული აქვს სოციალისტური შრომის გმირის მაღალი წოდება. მათ შორის ბევრია ქართველი მეშახტე.

ბედნიერი, ლაღი ცხოვრებით ცხოვრობდა საბჭოთა მეშახტეები. მათთვისაა შესანიშნავი, კეთილმოწყობილი ქალაქები, საერთო საცხოვრებლები, კლუბები და პარკები. ჩვენი ახალგაზრდობისათვის არსებობს სპეციალური უმაღლესი სასწავლებლები, სადაც სამთო საქმეს ეუფლებიან.

ჩვენი ხალხის, ჩვენი ბედნიერი თაობის საამურო ცხოვრებას, ჩვენი სწავლისა და განათლების, ჩვენი სამშობლოს ეკონომიკის ძლიერების საქმეს ემსახურება სახალხო მეურნეობის ისეთი დარგიც, როგორცაა ქვანახშირის მოპოვება.

27 აგვისტო მეშახტის დღეა.



21/157
3500 2 306

3-16/155



9441350-00
202-7410133

